

史記

卷五十五
六十一

内閣文庫			
番號	漢	1836	
冊數	500 (13)		
函號	別	10	1



史記卷五十

楚元王世家第二十五

漢太史

今

龍

門

司馬遷

撰

宋中郎外兵

參

軍河東裴

駟集解

唐國子博士

弘文

學士河內司馬

貞素隱

唐諸王侍讀

率府

長史張守節

正義

楚元王劉交者高祖之同母少弟也字游

正義曰年表云都彭城

索隱曰漢書作同父言同父以明異母也

高祖兄弟四人長兄伯伯蚤卒始

高祖微時嘗辟事時時與賓客過巨嫂食

徐廣曰漢書云巨嫂也

索隱曰應劭云丘姓也孟康云丘空也兄

嫂厭叔叔與

丘空有嫂也今此作巨大也謂長嫂也

史記卷五十

十二家

客來嫂詳為羹盡櫟釜

索隱曰櫟音歷謂以枸歷釜賓旁使為聲漢書作轄音勞

客以故去已而視釜中尚有羹高祖由此怨其嫂及高

祖為帝封昆弟而伯子獨不得封大上皇以為言高祖

曰某非忘封之也為其母不長者耳於是乃封其子信

為羹頡侯

徐廣曰羹頡侯以高祖七年封封十三年高

羹頡爵號非縣名以其櫟釜故也。正義曰括地志云

羹頡山在媯州懷戎縣東南十五里按高祖取其山名

為侯號者而王次兄仲於代六年並為代王其年罷卒

諡頃王有子曰濞

高祖六年已禽楚王韓信於陳乃以弟交為

楚王都彭城

索隱曰漢書云楚王王薛

卒于夷王郢立

索隱曰漢書

夷王四年卒于王戊立王

戊立二十年冬坐為薄太后服私姦削東海郡

私姦服舍中姚察云姦於服舍非必宮中又按

集註服虔云私姦中人以罪重故至削郡也

吳王合謀反其相張尚太傅趙夷吾諫不聽戊則殺尚

夷吾起兵與吳西攻梁破棘壁

正義曰括地志云大棘故城在宋州寧陵縣西

與漢將周亞夫戰漢絕吳楚糧道士卒飢吳王走楚王

戊自殺軍遂降漢漢已平吳楚孝景帝欲以德侯子續

吳徐廣曰德侯名廣吳王以元王子禮續楚竇太后曰

吳王老人也宜為宗室願善今乃首率七國紛亂天下

奈何續其後不許吳許立楚後是時禮為漢宗正乃拜

宗何續其後不許吳許立楚後是時禮為漢宗正乃拜

禮為楚王奉元王宗廟是為楚文王文王立三年卒子

安王道立安王二十二年卒子襄王經立襄王立十四

年卒子王純代立王純立地節二年中人上書告楚王

謀反王自殺國除入漢為彭城郡徐廣曰純立十七年卒謚節三子延壽立

十九年死。索隱曰太史公唯記王純為國人告反國除蓋延壽後更封至十九年又謀反誅死故不同也。

正義曰漢書云王純嗣十六年子延壽嗣與趙何齊謀反延壽自殺立三十二年國除與此不同地節是宣帝

年號去天漢四年二十九年仍隔昭帝世言到地節二一年以下者蓋補先生誤也

趙王劉遂者其父高祖中子正義曰年表云都邯鄲名友謚曰幽

幽王以憂死故為幽高后王呂祿於趙一歲而高后崩

大臣誅諸呂呂祿等乃立幽王子遂為趙王孝文帝即

位二年立遂弟辟彊取趙之河間郡為河間王以為東

王正義曰河間今瀛州也立十三年卒子哀王福立一年卒無子

絕後國除入于漢遂既王趙二十六年孝景帝時坐晁

錯以適削趙王常山之郡吳楚反趙王遂與合謀起兵

其相建德內史王悍諫不聽索隱曰建德其相名史先失姓也遂燒殺

建德王悍發兵屯其西界欲待吳與俱西北使匈奴與

連和攻漢漢使曲周侯酈寄擊之趙王遂還城守邯鄲

相距七月吳楚敗於梁不能西匈奴聞之亦止不肯入

漢邊樂布自破齊還乃并兵引水灌趙城趙城壞趙王

自殺邯鄲遂降正義曰邯鄲洛州縣也趙幽王絕後

太史公曰國之將興必有禎祥君子用而小人退國之

將亡賢人隱亂臣貴使楚王戊毋刑申公遵其言索隱曰漢

書申公名培趙任防與先生趙堯傳曰趙人防與公也

王戊胥靡之趙不用防與公蓋當時猶知事迹或索隱曰此及漢書雖不見

別有所見故太史公明引以結其贊豈有篡殺之謀為

天下僂哉賢人乎賢人乎非質有其內惡能用之哉甚

矣安危在出令存亡在所任誠哉是言也

索隱述贊曰

漢封同姓

楚有令名

既滅韓信

王失彭城

穆生致醴

韋孟作程

王戊棄德

與吳連兵

太后命禮

為楚罪輕

文襄繼立

世授才英

如何趙遂

代殞厥聲

興亡之兆

所任宜明

史記卷五十終

史記卷五十一

荆燕世家第三十二

漢太史令龍門司馬遷撰

宋中郎外兵參軍河東裴駰集解

唐國子博士弘文學士河內司馬貞素隱

唐諸王侍讀率府長史張守節正義

荆王劉賈諸劉者不知其何屬

正義曰年表云都吳也漢書賈高帝從父兄

初起時漢王元年還定三秦劉賈為將軍定塞地

索隱曰即

挑林

從東擊項籍漢四年漢王之敗成臯北渡河得張

耳韓信軍軍脩武深溝高壘使劉賈將二萬人騎數百

渡白馬津入楚地正義曰括地志云黎陽一名白馬津在滑州白馬縣北三十里按賈從此

津南通入楚地也燒其積聚以破其業無以給項王軍食已而

楚兵擊劉賈賈輒壁不肯與戰而與彭越相保漢五年

漢王追項籍至固陵徐廣曰在陽夏正義曰括地志云固陵陵名在陳州宛丘縣西北四

十二使劉賈南渡淮圍壽春正義曰今壽州壽春縣是也還至使人

間招楚大司馬周殷周殷反楚佐劉賈舉九江迎武王

黥布兵皆會垓下共擊項籍漢王因使劉賈將九江兵

與太尉盧縮西南擊臨江王共尉索隱曰共尉之子共尉已死

以臨江為南郡正義曰今荆州也漢六年春會諸侯於陳正義曰今

陳州也廢楚王信囚之分其地為二國當是時也高祖子

幼昆弟少又不賢欲王同姓以鎮天下乃詔曰將軍劉

賈有功及擇子弟可以為王者羣臣皆曰立劉賈為荆

王淮東五十二城索隱曰表云劉賈都吳又漢書以東陽郡封賈東陽即臨淮故云王

淮東高祖弟交為楚王王淮西三十六城正義曰淮以西徐泗濠等州也

因立子肥為齊王始王昆弟劉氏也高祖十一年秋淮

南王黥布反東擊荆荆王賈與戰不勝走富陵索隱曰地理志

縣名屬臨淮○正義曰括地志云富陵故城在楚州盱眙縣東北六十里為布軍所殺高祖

自擊破布十二年立沛侯劉濞為吳王王故荆地

燕王劉澤者諸劉遠屬也漢書澤高祖從祖昆弟○索隱曰楚漢春秋田子春說張

卿云劉澤宗家也按言宗家以疎遠矣高帝三年澤為

然則班固言從祖昆弟當別有所見

郎中高帝十一年澤以將軍擊陳豨得王黃為營陵侯

索隱曰地理志縣名在北海○正義曰括地志云營陵故城在青州北海縣南二十里高后時齊

人田生游乏資以畫于營陵侯澤晉灼曰楚漢春秋田子春服虔曰以計畫

干之也支穎曰澤大說之用金二百斤為田生壽田生以工畫得寵也已得金即歸齊二年澤使人謂田生日弗與矣孟康曰與黨與

言不復與我為與也文穎曰不得與汝相知田生如長安不見澤而假大宅

令其子求事呂后所幸大謁者張子卿徐廣曰名澤駟案如淳曰闔人

居數月田生子請張卿臨親脩具張卿許往田生盛

帷帳共具譬如列侯張卿驚酒酣乃屏人說張卿曰臣

觀諸侯王邸第百餘皆高祖一切功臣索隱曰此一切猶一例同時也

今呂氏雅故本推轂高帝就天下如淳曰呂公知高祖相貴以女妻之推轂

使為長者贊曰謂諸呂共推轂高祖征伐成帝業雅正意也○索隱曰雅訓素也謂呂氏素心奉推高祖取天

下若人推轂欲前進塗然也推音昌誰反功至大又親戚太后之重太后春

秋長諸呂弱太后欲立呂產為呂王王代太后又重發

之文穎曰欲發之恐大臣不聽鄧展曰重難發事恐大臣不聽今卿最幸大臣

所敬何不風大臣以聞太后太后必喜諸呂已王萬戶

侯亦卿之有正義曰高后紀云封張卿為建陵侯太后心欲之而卿為內

臣不急發恐禍及身矣張卿大然之乃風大臣語太后

太后朝因問大臣大臣請立呂產為呂王太后賜張卿

千斤金張卿以其半與田生田生弗受因說之曰呂產

王也諸大臣未大服今營陵侯澤諸劉為大將軍獨此

尚缺望索隱曰缺音決又音窺睡反今卿言太后列十餘縣王之彼

得王喜去諸呂王益固矣張卿入言太后然之乃以營

陵侯劉澤為琅邪王琅邪王乃與田生之國田生勸澤

急行毋留出關太后果使人追止之已出即還及太后

崩琅邪王澤乃曰帝少諸呂用事劉氏孤弱乃引兵與

齊王合謀西漢書音義曰澤至齊為齊王所劫不得去乃說王求詣京師齊具車送之不為本與

齊合謀也○索隱曰漢書齊王傳云使祝午劫琅邪王

至齊因留琅邪王不得反國澤乃說求人關齊乃送之

與此文不同者劉氏以為燕齊兩史各言其主

立功之迹太史公間疑遂各記之則所謂實錄欲誅諸

呂至梁聞漢遣灌將軍屯滎陽澤還兵備西界遂跳驅

至長安漢書音義曰跳驅馳至長安也代王亦從代至諸將相與琅邪

王共立代王為天子天子乃徙澤為燕王乃復以琅邪

予齊復故地李奇曰本齊地分以王澤今復與齊也澤王燕二年薨諡為

敬王傳子嘉為康王至孫定國與父康王姬姁生子男

一人奪弟妻為姬與子女三人姁定國有所欲誅殺臣

肥如令郢人如淳曰定國自欲有所殺餘臣肥如令郢人如淳意以肥如亦臣

名令郢人以告定國也小顏以為定國欲有所誅殺餘

臣而肥如令郢人乃告定國也按地理志肥如在遼西

郢人等告定國定國使謁者以他法劾捕格殺郢人以

滅口至元朔元年郢人昆弟復上書具言定國陰事以

此發覺詔下公卿皆議曰定國禽獸行亂人倫逆天當

誅上許之定國自殺國除為郡

太史公曰荆王王也由漢初定天下未集故劉賈雖屬

疎然以策為王填淮江之間劉澤之王權激呂氏

田子春欲王劉澤先使張卿說封呂產乃恐然劉澤卒

南面稱孤者三世事發相重豈不為偉乎

事張卿張卿言之呂后而劉澤得王故曰事發相重或

曰事起於相重也○索隱曰謂先發呂氏令重而我亦

索隱述贊曰

劉賈初從

首定三秦

既渡白馬

遂圍壽春

始迎黥布

絕問周殷

賞功胙土

與楚為隣

營陵始爵

勲由擊陳

田生遊說

受賜千斤

權激諸呂

事發榮身

徙封傅嗣

亡於郢人

史記卷五十一終

史記卷五十二

齊悼惠王世家第二十二

漢

太史公

龍門

司馬遷

撰

宋中

鄒外兵

參軍

河東裴

駟集解

唐國子博士弘文

學士

河內司馬

貞素

撰

唐諸王侍讀

率府長史

張守節

正義

撰

齊悼惠王劉肥者高祖長庶男也

正義曰年表云都臨淄

其母外

婦也曰曹氏高祖六年立肥為齊王食七十城諸民能

齊言者皆予齊王

索隱曰謂其語音及名物異於楚魏一云此時人多流亡故使齊言者皆

還齊

齊王孝惠帝兄也孝惠帝二年齊王入朝惠帝與

康熙二十五年重修

史記卷五十二

齊世家

二

齊王燕飲亢禮如家人索隱曰謂齊王是兄不為君臣禮而乃自亢敵如家人行見弟

之禮故太后怒呂太后怒且誅齊王齊王懼不得脫乃用其內

史勲計獻城陽郡以為魯元公主湯沐邑正義曰括地志云濮州雷

澤縣本漢城陽縣按後為郡也呂太后喜乃得辭就國悼惠王即位十

三年以惠帝六年卒子襄立是為哀王哀王元年孝惠

帝崩呂太后稱制天下事皆決於高后二年高后立其

兄子酈侯呂台為呂王徐廣曰酈一作鄜○索隱曰二

在南陽台音貽呂后兄子○正義曰按酈音呈益反括

地志云故酈城在鄧州新城縣西北四十里蓋此縣是

也割齊之濟南郡為呂王奉邑正義曰括地志云齊閉

北三十里哀王三年其弟章入宿衛於漢呂太后封為朱

虛侯索隱曰地理志縣名屬琅邪以呂祿女妻之後四年封章弟興

居為東牟侯索隱曰地理志縣名屬東萊皆宿衛長安中哀王八年

高后割齊琅邪郡正義曰今沂州也立營陵侯劉澤為琅邪王

其明年趙王友入朝幽死于邸三趙王皆廢高后立諸

呂為三王徐廣曰燕趙梁擅權用事朱虛侯年二十有氣力忿

劉氏不得職嘗入侍高后燕飲高后令朱虛侯劉章為

酒吏章自請曰臣將種也請得以軍法行酒高后曰可

酒酣章進飲歌舞已而曰請為太后言耕田歌高后兒

子畜之笑曰顧而父知田耳若生而為王子安知田乎

索隱曰顧猶念也章曰臣知之太后曰試為我言田章

而及若嘗訓汝

曰深耕穡種立苗欲疏非其種者鋤而去之呂后然
頃之諸呂有一人醉亡酒章追拔劍斬之而還報曰有
亡酒一人臣謹行法斬之太后左右皆大驚業已許其
軍法無以罪也因罷自是之後諸呂憚朱虛侯雖大臣
皆依朱虛侯劉氏為益彊其明年高后崩趙王呂祿為
上將軍呂王產為相國皆居長安中聚兵以威大臣欲
為亂朱虛侯章以呂祿女為婦知其謀乃使人陰出告
其兄齊王欲令發兵西朱虛侯東牟侯為內應以誅諸
呂因立齊王為帝齊王既聞此計乃與其舅父駟鈞郎
中令祝午中尉魏勃陰謀發兵索隱曰舅謂舅父猶姨猶姨母齊相召

平聞之

索隱曰廣陵人召平與東陵侯召平及此召平皆似別人也功臣表平子奴以父功封黎侯也

乃發卒衛王宮魏勃給召平曰王欲發兵非有漢虎符
贖也而相君圍王固善勃請為君將兵衛衛王召平信
之乃使魏勃將兵圍王宮勃既將兵使圍相府召平曰
嗟乎道家之言當斷不斷反受其亂乃是也遂自殺於
是齊王以駟鈞為相魏勃為將軍祝午為內史悉發國
中兵使祝午東詐琅邪王曰呂氏作亂齊王發兵欲西
誅之齊王自以兒子年少不習兵革之事願舉國委大
王大王自高帝將也習戰事齊王不敢離兵索隱曰服
其兵而使臣請大王幸之臨菑見齊王計事并將齊
到琅邪

兵以西平關中之亂琅邪王信之以爲然西馳見齊王
齊王與魏勃等因留琅邪王而使祝午盡發琅邪國而
并將其兵琅邪王劉澤既見欺不得友國乃說齊王曰
齊悼惠王高皇帝長子推本言之而大王高皇帝適長
孫也當立今諸大臣狐疑未有所定而澤於劉氏最爲
長年大臣固待澤決計今大王留臣無爲也不如使我
入關計事齊王以爲然乃益具車送琅邪王琅邪王既
行齊遂舉兵西攻呂國之濟南於是齊哀王遺諸侯王
書曰高帝平定天下王諸子弟悼惠王於齊悼惠王薨
惠帝使留侯張良立臣爲齊王惠帝崩高后用事春秋

高聽諸呂擅廢高帝所立又殺三趙王

正義曰隱三如意幽王友梁上

恢徙燕趙並高祖子也滅梁燕趙

正義曰梁王恢燕王建梁王恢徙趙分滅無後也

以王

諸呂分齊國爲四

索隱曰謂濟南琅邪城陽并齊爲四也○正義曰琅邪郡封劉澤濟南郡

以爲呂王奉邑城陽爲魯元公主湯沐邑也

忠臣進諫上惑亂不聽今高后

崩皇帝春秋富未能治天下固恃大臣諸將今諸呂又
擅自尊官聚兵嚴威劫列侯忠臣矯制以令天下宗廟
所以危今寡人率兵入誅不當爲王者漢聞齊發兵而
西相國呂產乃遣大將軍灌嬰東擊之灌嬰至滎陽乃
謀曰諸呂將兵居關中欲危劉氏而自立我今破齊還
報是益呂氏資也乃留兵屯滎陽使使喻齊王及諸侯

與連和以待呂氏之變而共誅之齊王聞之乃西取其
故濟南郡亦屯兵於齊西界以待約呂祿呂產欲作亂
關中朱虛侯與太尉勃丞相平等誅之朱虛侯首先斬
呂產於是太尉勃等乃得盡誅諸呂而琅邪王亦從齊
至長安大臣議欲立齊王而琅邪王及大臣曰齊王母
家駟鈞惡戾虎而冠者也張晏曰言鈞惡戾如虎而著冠方以呂氏故
幾亂天下今又立齊王是欲復為呂氏也代王母家薄
氏君子長者且代王又親高帝子於今見在且最為長
以子則順以善人則大臣安於是大臣乃謀迎立代王
而遣朱虛侯以誅呂氏事告齊王令罷兵灌嬰在滎陽

聞魏勃本教齊王反既誅呂氏罷齊兵使使召責問魏

勃勃曰失火之家豈暇先言大人而後救火乎索隱曰此蓋舊

俗之言謂救火之急不暇先啓家長也亦猶國家有難不暇待詔命也因退立股戰而栗

恐不能言者終無他語灌將軍熟視笑曰人謂魏勃勇

妄庸人耳索隱曰妄庸言凡妄庸劣之人何能為乎乃罷魏勃索隱曰罷謂不

罪而放遣之魏勃父以善鼓琴見秦皇帝及魏勃少時欲求

見齊相曹參家貧無以自通乃常獨早夜掃齊相舍人

門外相舍人恠之以為物而伺之索隱曰姚氏云物惟物得勃勃

曰願見相君無因故為子掃欲以求見於是舍人見勃

曹參因以為舍人一為參御言事參以為賢言之齊悼

惠王悼惠王召見則拜為內史始悼惠王得自置二千石及悼惠王卒而哀王立勃用事重於齊相王既罷兵歸而代王來立是為孝文帝孝文帝元年盡以高后時所割齊之城陽琅邪濟南郡復與齊而徙琅邪王王燕益封朱虛侯東牟侯各二千戶是歲齊哀王卒太子側立是為文王齊文王元年漢以齊之城陽郡立朱虛侯為城陽王以齊濟北郡正義曰今濟州濟北王所都立東牟侯為濟北王二年齊北王反漢誅殺之地入于漢後二年孝文帝盡封齊悼惠王子罷軍等七人皆為列侯正義曰齊罷音不齊愛王立十四年卒無子國除地入于漢後一歲孝文帝

以所封悼惠王子分齊為三齊孝王將閭以悼惠王子

揚虛侯為齊王故齊別郡盡以王悼惠王子子志為濟

北王子辟光為濟南王子賢為菑川王子邛為膠西王

子雄渠為膠東王與城陽齊凡七王索隱曰謂將閭為齊王志為濟北王

邛膠西王辟光濟南王賢菑川王章城陽王雄渠為膠東王齊孝王十一年吳王濞

楚王戊反與兵西告諸侯曰將誅漢賊臣鼂錯以安宗

廟膠西膠東菑川濟南皆擅發兵應吳楚欲與齊齊孝

王狐疑城守不聽三國兵共圍齊張晏曰膠西菑川濟南也齊王使

路中大夫告於天子張晏曰姓路為中大夫○索隱曰史失名故言姓及官顧氏按路氏

譜中大夫名邛也邛王剛反天子復令路中大夫還告齊王善堅守

吾兵今破吳楚矣路中大夫至三國兵圍臨菑數重無從入三國將劫與路中大夫盟曰若反言漢已破矣齊趣下三國不且見屠路中大夫既許之至城下望見齊王曰漢已發兵百萬使太尉周亞夫擊破吳楚方引兵救齊齊必堅守無下三國將誅路中大夫齊初圍急陰與三國通謀約未定會聞路中大夫從漢來喜及其大臣乃復勸王毋下三國居無何漢將欒布平陽侯等兵至齊索隱曰平陽侯按表是簡侯曹奇擊破三國兵解齊圍已而復聞齊初與三國有謀將欲移兵伐齊齊孝王懼乃飲藥自殺景帝聞之以為齊首善以迫劫有謀非其罪也乃立

孝王太子壽為齊王是為懿王續齊後而膠西膠東濟南菑川王咸誅滅地入于漢徙濟北王王菑川齊懿王立二十二年卒子次景立是為厲王齊厲王其母曰紀太后太后取其弟紀氏女為厲王后王不愛紀氏女太后欲其家重寵索隱曰重直寵反謂欲世寵貴於王宮令其長女紀翁主入王宮索隱曰如淳云諸王女云翁主稱其母姓故謂之紀公主正其後宮母令得近王欲令愛紀氏女王因與其姊翁主奸齊有宦者徐甲入事漢皇太后索隱曰謂王太后武帝母也皇太后有愛女曰脩成君脩成君非劉氏張晏曰王太后前嫁金氏所生太后憐之脩成君有女名娥太后欲嫁之於諸侯宦者甲乃請使齊必令

王上書請娥皇太后喜使甲之齊是時齊人主父偃知
甲之使齊以取后事亦因謂甲即事成幸言偃女願得
充王後宮甲既至齊風以此事紀太后大怒曰王有后
後宮具備且甲齊貧人急徐廣曰一作及乃為宦者入事漢無
補益乃欲亂吾王家且主父偃何為者乃欲以女充後
宮徐甲大窮還報皇太后曰王已願尚娥然有一害恐
如燕王燕王者與其子昆弟姦新坐以死亡國故以燕
感太后太后曰無復言嫁女齊事事浸濇不得聞於天
子主父偃由此亦與齊有卻主父偃方幸於天子用事
因言齊臨菑十萬戶市租千金索隱曰市租謂所賣之物出租日得千金言齊

人衆而宜富也人衆殷富巨於長安此非天子親弟愛子不得

王此今齊王於親屬益踈乃從容言呂太后時齊欲反
吳楚時孝王幾為亂今聞齊王與其姊亂於是天子乃
拜主父偃為齊相且正其事主父偃既至齊乃急治王
後宮宦者為王通於姊翁主所者令其辭證皆引王王
年少懼大罪為吏所執誅乃飲藥自殺絕無後是時趙
王懼主父偃一出廢齊恐其漸踈骨肉乃上書言偃受
金及輕重之短索隱曰謂偃挾齊不娶女之恨因言齊之短為輕重之辭蓋言臨菑富及吳楚
孝王時事是也天子亦既囚偃公孫弘言齊王以憂死母後國
入漢非誅偃無以塞天下之望遂誅偃齊厲王立五年

死毋後國入于漢齊悼惠王後尚有一國城陽及菑川
 菑川地比齊天子憐齊為悼惠王冢園在郡割臨菑東
 環悼惠王冢園邑盡以予菑川以奉悼惠王祭祀城陽
 景王章齊悼惠王子正義曰年表云都莒也以朱虛侯與大臣共
 誅諸呂而章身首先斬相國呂王產於未央宮孝文帝
 既立益封章二千戶賜金千斤孝文二年以齊之城陽
 郡立章為城陽王立二年卒子喜立是為共王共王八
 年徙王淮南索隱曰當孝文帝之十二年也。正義曰年表云都陳也四年復還王
 城陽凡三十三年卒子建延立是為頃王頃王二十八
 年卒子義立是為敬王敬王九年卒子武立是為惠王

惠王十一年卒子順立是為荒王荒王四十六年卒子

恢立是為戴王徐廣曰甘露二年戴王八年卒子景立至建始

三年十五歲卒正義曰建始成帝年號從建始四年上至天漢四年六十七矣蓋褚先生次之

濟北王興居齊悼惠王子正義曰都濟州也以東牟侯助大臣

誅諸呂功少及文帝從代來興居曰請與太僕嬰入清

宮廢少帝共與大臣尊立孝文帝孝文帝二年以齊之

濟北郡立興居為濟北王與城陽王俱立立二年反始

大臣誅呂氏時朱虛侯功尤大許盡以趙地王朱虛侯

盡以梁地王東牟侯及孝文帝立聞朱虛東牟之初欲

立齊王故絀其功及二年王諸子乃割齊二郡以王章

興居章興居自以失職奪功章死而興居聞匈奴大入漢漢多發兵使丞相灌嬰擊之文帝親幸太原以為天子自擊胡遂發兵反於濟北天子聞之罷丞相及行兵皆歸長安使棘蒲侯柴將軍擊破虜濟北王張晏曰王自殺地入于漢為郡後十二年文帝十六年復以齊悼惠王子安都侯志為濟北王
正義曰安都故城在瀛州高陽縣西南三十九里○
志安都關 十一年吳楚反時志堅守不與諸侯合謀
吳楚已平徙志王菑川濟南王辟光齊悼惠王子正義曰辟光以濟南為
齊壁都以勒侯孝文十六年為濟南王索隱曰勒漢書作劫皆音力地屬齊原也
十一年與吳楚反漢擊破殺辟光以濟南為

郡地入于漢菑川王賢齊悼惠王子正義曰年表云菑川王都劇故城在青州壽光縣西三十一里以武城侯文帝十六年為菑川王索隱曰按地理志縣名屬平原也十一年與吳楚反漢擊破殺賢天子因徙濟北王志王菑川志以齊悼惠王子以安都侯王濟北菑川王反母後及徙濟北王王菑川凡立三十五年卒諡為懿王子建代立是為靖王二十年卒子遺代立是為頃王三十六年卒子終古立是為思王二十八年卒子尚立是為孝王五年卒子橫立至始建三年十一歲卒正義曰亦褚少孫次之膠西王卬齊悼惠王子正義曰卬五郡反年表云都高苑括地志云西苑故城在淄州長川縣北四里以昌平侯文帝十六年為

膠西王 正義曰括地志云昌平故城在幽州東南六十里也 十一年與吳楚反漢

擊破殺卬地入于漢為膠西郡膠東王雄渠齊悼惠王

子 正義曰年表云都高墨按卬墨故城在萊州膠東縣南六十里 以白石侯文帝十六

年為膠東王 索隱曰地理志縣名屬金城○正義曰白石古城在德州安德縣北二十里 十

一年與吳楚反漢擊破殺雄渠地入于漢為膠東郡

太史公曰諸侯大國無過齊悼惠王以海內初定子弟

少激秦之無尺土封故大封同姓以填萬民之心及後

分裂固其理也

索隱述贊曰

漢矯秦制

樹屏自疆

悉封齊王

呂后肆怒

乃獻城陽

哀王嗣立

其力不量

朱虛仕漢

功大策長

東牟受賞

稱亂貽殃

膠東濟北

雄渠辟光

齊雖七國

忠孝者昌

史記卷五十二終

史記卷五十三

蕭相國世家第二十三

漢大史令龍門司馬遷撰
宋中郎外兵參軍河東裴駰集解
唐國子博士弘文學士上河內司馬貞索隱
唐諸王侍讀率府長史張守節正義

蕭相國何者沛豐人也

索隱曰春秋律蕭何感
昂精而生典獄制律

以文無

害為沛主吏掾

漢書音義曰文無害有文無所枉害也
律有無害都吏如令言公平吏一曰無

害者如言無比陳留問語也○索隱曰漢書云何為高
主吏主吏功曹也又云何為沛掾是何為功曹掾

祖為布衣時何數以吏事護高祖

索隱曰說文高祖為
云護救視也

亭長常左右之高祖以吏繇咸陽吏皆送奉錢三何獨

以五李奇曰或三百或五百也。索隱曰奉音扶用反。謂資俸之如字讀謂奉送之也。劉氏云時錢有重

者一當百故秦御史監郡者與從事常辨之張晏曰何

有送錢三者辨明何素有方畧也蘇林曰辟何與與其事脩何乃給泗水卒史

從事也秦時無刺史以御史監郡徐廣曰沛縣有泗水亭驪按文穎曰何為泗水郡卒史

索隱曰如淳按律部卒史書佐各十人也卒禮忽反事第一索隱曰謂課秦御史欲人言徵何何固請得毋

行及高祖起為沛公何常為丞督事沛公至咸陽諸將

皆爭走金帛財物之府分之索隱曰走音奏奏者趨向之也何獨先人

收秦丞相御史律令圖書藏之沛公為漢王以何為丞

相項王與諸侯屠燒咸陽而去漢王所以具知天下阨

塞戶口多少彊弱之處民所疾苦者以何具得秦圖書

也何進言韓信漢王以信為大將軍語在淮陰侯事中

漢王引兵東定三秦何以丞相留收巴蜀填撫諭告使

給軍食漢二年漢王與諸侯擊楚何守關中侍太子治

櫟陽為法令約束立宗廟社稷宮室縣邑輒奏上可許

以從事即不及奏上輒以便宜施行上來以聞應劭曰

乃以所關中事計戶口轉漕給軍索隱曰轉劉氏音漢

為聞之王數失軍遁去何常與關中卒輒補缺上以此專屬任

何關中事漢三年漢王與項羽相距京索之間上數使

使勞苦丞相鮑生謂丞相曰王暴衣露蓋數使使勞苦

君者有疑若心也為君計莫若遣君子孫昆弟能勝兵者悉詣軍所上必益信君於是其計漢王大說漢

五年既殺項羽定天下論功行封羣臣爭功歲餘功不

決高祖以蕭何功最盛封為鄼侯文頴曰音贊贊曰今南陽鄼縣也孫檢曰

有二縣音字多亂其屬沛郡者音唯屬南陽者音讚按茂陵書蕭何國在南陽宜呼讚今多呼唯唯舊字作鄼

今皆作鄼所食邑多功臣皆曰臣等身被堅執銳多者

百餘戰少者數十合攻城略地大小各有差今蕭何未

嘗有汗馬之勞徒持文墨議論不戰顧反居臣等上何

也高帝曰諸君知獵乎曰知之知獵狗乎曰知之高帝

曰夫獵追殺獸兔者狗也而發蹤指示獸處者人也今

諸君徒能得走獸耳功狗也至如蕭何發蹤指示功人

也且諸君獨以身隨我多者兩三人今蕭何舉宗數十

人皆隨我功不可忘也羣臣皆莫敢言列侯畢已受封

及奏位次皆曰平陽侯曹參身被七十創攻城略地功

最多宜第一上已撓功臣多封蕭何應劭曰撓屈也○

至位次未有以復難之然心欲何第一關內侯鄂君進

曰索隱曰功臣表鄂羣臣議皆誤夫曹參雖有野戰略

地之功此特一時之事夫上與楚相距五歲常失軍亡

衆逃身遁者數矣然蕭何當從關中遣軍補其處非上

所詔令召而數萬衆會上之乏絕者數矣夫漢與楚相

守滎陽數年軍無見糧蕭何轉漕關中給食不乏陛下
 雖數亡山東蕭何常全關中以待陛下此萬世之功也
 今雖亡曹參等百數何缺於漢漢得之不必待以全奈
 何欲以一旦之功而加萬世之功哉蕭何第一曹參次
 之高祖曰善於是乃令蕭何賜帶劔履上殿入朝不趨
 上曰吾聞進賢受上賞蕭何功雖高得鄂君乃益明於
 是因鄂君故所食關內侯邑封為安平侯徐廣曰以謂
 有功秩舉蕭何功故因侯二千戶封九年卒至玄孫但
 坐與淮南王安通棄市國除正義曰括地志云澤州
 安平縣本漢安平縣是日悉封何父子兄弟十餘人皆有食邑乃
 益封何二千戶以帝嘗繇咸陽時何送我獨贏奉錢二

也索隱曰謂人皆二何獨五所以為贏二也漢十一年陳豨反高祖自將至

邯鄲未罷淮陰侯謀反關中呂后用蕭何計誅淮陰侯
 語在淮陰事中上已聞淮陰侯誅使使拜丞相何為國
 益封五千戶令卒五百人一郡尉為相國衛諸君皆賀
 召平獨弔召平者故秦東陵侯秦破為布衣貧種瓜於
 長安城東瓜美故世侈謂之東陵瓜從召平以為名也
 召平謂相國曰禍自此始矣上暴露於外而君守於中
 非被矢石之事而益君封置衛者以今者淮陰侯新反
 於中疑君心矣夫置衛衛君非以寵君也願君讓封勿
 受悉以家私財佐軍則上心說相國從其計高帝乃大

喜漢十二年秋黥布反上自將擊之數使使問相國何

為相國為上在軍乃拊循勉力百姓悉以所有佐軍如

陳豨時客有說相國曰君滅族不久矣夫君位為相國

功第一可復加哉然君初入關中得百姓心十餘年矣

皆附君常復孳孳得民和上所為數問君者畏君傾動

關中今君胡不多買田地賤貰貸以自汙正義曰世音

賒也下天得反上心乃安於是相國從其計上乃大說上罷布

軍歸民道遮行上書言相國賤疆買民田宅數千萬上

至相國謁上笑曰夫相國乃利民索隱曰謂相國取入

乃利人也所以令相國自謝之民所上書皆以與相國曰君自謝民相

國因為民請曰長安地狹上林中多空地棄願令民得

入田毋收橐為禽獸食索隱曰苗子還種田人留橐入官上大怒曰相

國多受賈人財物乃為請吾苑乃下相國廷尉械繫之

數日王衛尉侍如淳曰百官公卿表衛尉王氏無名字前問曰相國何大

罪陛下繫之暴也上曰吾聞李斯相秦皇帝有善歸主

有惡自與今相國多受賈豎金而為民請吾苑以自媚

於民故繫治之王衛尉曰夫職事苟有便於民而請之

真宰相事陛下柰何乃疑相國受賈人錢乎且陛下距

楚數歲陳豨黥布反陛下自將而往當是時相國守關

中搖足則關以西非陛下有也相國不以此時為利今

乃利賈人之金乎且秦以不聞其過亡天下李斯之分
過又何足法哉索隱曰李斯歸惡而自子是分過也陛下何疑宰相之淺
也韋昭曰高帝不憚是日使使持節放出相國相國年
用意淺老素恭謹又徒跣謝高帝曰相國休矣相國為民請苑
吾不許我不過為桀紂主而相國為賢相吾故繫相國
欲令百姓聞吾過也何素不與曹參相能及何病孝惠
自臨視相國病因問曰君即百歲後誰可代君者對曰
知臣莫如主孝惠曰曹參何如何頓首曰帝得之矣臣
死不恨矣何置田宅必居窮處為家不治垣屋曰後世
賢師吾儉不賢母為勢家所奪孝惠二年相國何卒東觀

漢記云蕭何墓在長懷東司馬門道北百步○正義
曰括地志云蕭何墓在雍州咸陽縣東北三十七里諡

為文終侯徐廣曰功臣表蕭
何以容初起從也後嗣以罪失侯者四世絕

天子輒復求何後封續鄼侯功臣莫得比焉

太史公曰蕭相國何於秦時為刀筆吏錄錄未有奇節

索隱曰及漢興依日月之末光何謹守管籥因民之疾
錄音祿

奉法順流與之更始淮陰黥布等皆以誅滅而何之勳

爛焉位冠羣臣聲施後世與閔天散宜生等爭烈矣

索隱述贊曰

蕭何為吏

文而無害

及佐興王

舉宗從沛

關中既守

轉輸是賴

漢軍屢疲 秦兵必會 約法可久
收圖可大 指獸發縱 其功實最
政稱畫一 居乃非秦 繼絕寵勤
式旌礪帶

史記卷五十三終

史記卷五十四 曹相國世家第二十四

漢太史令龍明 司馬遷撰
宋中郎外兵參軍河東裴駰集解
唐國子博士弘文學士河內司馬貞素
唐諸生侍讀率府長史張守節正義

平陽侯曹參者沛人也 正義曰晉州城即平陽故城也
張華曰曹參字敬伯按沛今徐

州縣 秦時為沛獄掾而蕭何為主吏居縣為豪吏矣高

祖為沛公而初起也參以中涓從 漢書音義曰中涓如
中謂者○索隱曰涓

音古 將擊胡陵 正義曰縣名
在方與南 方與 ○索隱曰地理志二
縣皆屬山陽○並義

康熙二十五年重修

史記卷五十四

七

曰方音房與音 攻秦監公軍 漢書音義曰監御史監郡

預兗州縣也 三人。索隱曰本紀泗川監名 大破之東下薛擊泗水

守軍薛郭西復攻胡陵取之徒守方與反為魏擊

之。正義曰曹 豐反為魏攻之 索隱曰時雍齒守 賜爵

七大夫擊秦司馬左 正義曰音夷 軍碭東破之取碭狐父

曰地理志碭屬梁國狐父地名在梁碭之間。正義曰括地志云狐父亭在宋州碭山縣東南三十里

善置 孫檢曰漢謂驛曰置善名也。索隱曰司馬彪郡

宋州下邑縣東北四十九里漢郡城 又攻下邑以西至

虞 索隱曰地理志下邑虞皆屬梁國。正義曰宋州下

縣在州北五十里 擊章邯車騎攻爰戚及元父 索隱曰蘇林云

縣名屬山陽功臣表爰戚侯趙成。正義曰括地志云元父故城在兗州任城縣南五十一里 先登遷

為五大夫北救東阿 索隱曰時章邯圍田榮於東 擊章

邯軍陷陳追至濮陽攻定陶取臨濟 正義曰淄州高苑

故未安縣 南救雍丘擊李由軍破之殺李由虜秦侯一

人秦將章邯破殺項梁也沛公與項羽引而東楚懷王

以沛公為碭郡長將碭郡兵於是乃封參為執帛 張晏曰孤

卿也或曰 號曰建成君 索隱曰地理志遷為戚公 曰遷

楚官名 參為戚令。正義曰沛郡 屬碭郡其後從攻東郡尉軍破

爰戚縣也是時屬沛郡 索隱曰地理志 擊王離軍成陽南 索隱曰地

之成武南 成武縣屬山陽 擊王離軍成陽南 索隱曰地

在濟陰成地名周武王封弟季載於 復攻之杠里大破

之追北西至開封擊趙賁軍破之索隱曰賁音奔圍趙賁開封

城中西擊秦將楊熊軍於曲遇破之正義曰曲丘羽反

郡國志云中牟有曲遇虜秦司馬及御史各一人遷為

執珪張晏曰侯伯執珪以朝位比之如淳曰從攻陽武

下轅轅緱氏索隱曰地理志陽武緱氏二縣屬河南轅

也絕河津正義曰津濟渡處括地志云平陰還擊趙賁

軍尸北破之徐廣曰尸在偃師從南攻犍與南陽守齧

戰陽城郭東陷陳應劭云今赭陽赭陽是南陽之縣取

宛虜齧盡定南陽郡從西攻武關曉關取之正義曰括

武關在商州商洛縣東九十里藍田關在前攻秦軍藍

田南正義曰雍州藍田縣在州東又夜擊其北秦軍大

破遂至咸陽滅秦項羽至以沛公為漢王漢王封參為

建成侯從至漢中正義曰梁州遷為將軍從還定三秦

初攻下辯故道正義曰括地志云成州同谷縣本漢下

州西五雍豝索隱曰地理志二縣名屬右扶風豝音胎

十里正義曰豝作豝音貽括地志云故雍縣南

七里故豝城一名武功縣擊章平軍於好時南破之

西南二十里古郿國也圍好時取壤鄉文穎曰擊三

秦軍壤東及高櫟破之索隱曰櫟音歷按文穎云壤鄉

關○正義曰櫟音歷皆村邑名壤鄉今在雍州武復圍

章平章平出好時走因擊趙賁內史保軍破之東取咸

陽更命曰新城

索隱曰漢書高帝元年成陽名新城武帝改名曰滑城

參將兵守

景陵

漢書音義曰縣名也

二十日三秦使章平等攻參參出擊大

破之賜食邑於寧秦

蘇林曰今華陰

參以將軍引兵圍章邯於

廢丘

正義曰周曰大丘秦更名廢丘漢更名魏里今故城在雍州始平縣東南十里

以中尉從

漢王出臨晉關

正義曰即蒲津關也在臨晉縣故言臨晉關今在同州也

至河內下

脩武

正義曰今懷州獲嘉縣古脩武也

渡圍津

徐廣曰東郡白馬有圍津○索隱曰顧氏按水

經註白馬津有韋鄉韋津城圍與韋同古今字變爾

東擊龍且項他定陶破之東

取碭蕭彭城

正義曰徐州二縣

擊項籍軍漢軍大敗走參以中

尉圍取雍丘王武反於黃

徐廣曰內黃縣有黃澤

程處反於燕

音義曰皆漢將

往擊盡破之柱天侯反於衍氏

曰柱天侯不知其誰封衍氏魏邑地理志云天柱在廬江潛縣

又進破取衍氏擊羽嬰

於昆陽追至葉還攻武彊

瓚曰武彊城在陽武○正義曰括地志云武彊故城在鄭

州管城縣東

因至滎陽參自漢中為將軍中尉從

北三十一里

用擊諸侯及項羽敗還至滎陽凡二歲高祖三年拜為

假左丞相入屯兵關中月餘魏王豹反以假左丞相別

與韓信東攻魏將軍孫遨軍東張大破之

徐廣曰張者地名功臣表

有張侯毛澤之駟按蘇林曰屬河東○索隱曰遨音速○正義曰括地志云張陽故城一名東張城在蒲州虞

鄉縣西北

因攻安邑得魏將王襄擊魏王於曲陽

地志云上曲陽定州恒陽縣是

追至武垣

下曲陽在定州鼓城縣西五里

徐廣曰河東有垣縣○正

義曰括地志云武垣縣今瀛州城

生得魏王豹取平陽

正義曰晉得魏王母妻子盡定魏地凡五十二城賜食

邑平陽因從韓信擊趙相國夏說軍於鄆東大破之斬

夏說徐廣曰鄆縣在太原音烏古反韓信與故常山王張耳引兵下井

陘擊成安君而令參還圍趙別將戚將軍於鄆城中戚

將軍出走追斬之乃引兵詣敖倉漢王之所韓信已破

趙為相國東擊齊參以右丞相屬韓信攻破齊歷下軍

遂取臨菑還定濟北郡攻著濞陰平原屬濟南盧縣屬泰山濞陰平原已而從韓信擊龍且軍

於上假密文穎曰或以為高密○索隱曰漢書亦作假密按下定齊七十縣則上假密非高密亦是

今關大破之斬龍且虜其將軍周蘭定齊凡得七十餘

縣得故齊王田廣相田光其守相許章及故齊膠東將

軍田既韓信為齊王引兵詣陳與漢王共破項羽而參

留平齊未服者項籍已死天下定漢王為皇帝韓信徙

為楚王齊為郡參歸漢相印高帝以長子肥為齊王而

以參為齊相國以高祖六年賜爵列侯與諸侯剖符世

世勿絕食邑平陽萬六百三十戶號曰平陽侯除前所

食邑以齊相國擊陳豨將張春軍破之黥布反參以齊

相國從悼惠王將兵車騎十二萬人與高祖會擊黥布

軍大破之南至蘄還定竹邑相蕭留索隱曰地理志蘄竹邑相蕭四縣屬

沛章昭云留今屬彭城則漢初亦屬沛也參功凡下二國縣一百二十二得

史記卷五十四 世家 四

史記卷五十四 世家 四

史記卷五十四 世家 四

王二人相三人將軍大人漢書音義曰郡守可

馬候御史各一人孝惠帝元年除諸侯相國法更以參

為齊丞相參之相齊齊七十城天下初定悼惠王富於

春秋參盡召長老諸生問所以安集百姓如齊故俗前

儒以百數言人人殊參未知所定聞膠西有蓋公善治

黃老言使人厚幣請之既見蓋公蓋公為言治道貴清

靜而民自定推此類具言之參於是避正堂舍蓋公焉

其治要用黃老術故相齊九年齊國安集大稱賢相思

帝二年蕭何卒參聞之告舍人趣治行吾將入相居無

何使者果召參參去屬其後相曰以齊獄市為寄慎勿

擾也後相曰治無大於此者乎參曰不然夫獄市者所

以并容也今君擾之姦人安所容也吾是以先之漢書音義

曰夫獄市兼受善惡若窮極姦人無所容竄姦人無所

容竄父且為亂秦人極刑而天下畔孝武峻法而獄繁

此其效也老子曰我無為而民自化我好靜

而民自正參欲以道化其本不欲擾其末 參始微時

與蕭何善及為將相有郤至何且死所推賢唯參參代

何為漢相國舉事無所變更一遵蕭何約束擇郡國吏

未訕於文辭重厚長者即召除為丞相史吏之言文刻

深欲務聲名者輒斥去之日夜飲醇酒卿大夫已下吏

及賓客見參不事事如淳曰不事丞相之事來者皆欲有言至者

參輒飲以醇酒間之欲有所言復飲之醉而後去終莫

得開說以爲常

如淳曰開謂有所啓白

相舍後園近吏舍吏舍日

飲歌呼從吏惡之無如之何乃請參游園中聞吏醉歌

呼從吏幸相國召按之乃反取酒張坐飲亦歌呼與相

應和參見人之有細過專掩覆蓋之府中無事參子

宙索隱曰音張律反

爲中大夫惠帝恠相國不治事以爲豈少

朕與

索隱曰少者不足之詞故胡亥亦云丞相豈少我哉蓋帝以丞相豈不是嫌少於我哉小顏以爲我

年少非也乃請宙曰若歸試私從容問而父曰高帝新棄

臣帝富於春秋君爲相日飲無所請事何以憂天下乎

然無言吾告若也

索隱曰謂惠帝語宙無得言我告汝令諫汝父當自云是已意也宙

既洗沐歸間侍自從其所諫參參怒而笞宙二百日趣

入侍天下事非若所當言也至朝時惠帝讓參曰與宙

胡治乎

如淳曰猶言用宙爲治○索隱曰胡治也言語參何爲治宙也

乃者我使諫君

也參免冠謝曰陛下自察聖武孰與高帝上曰朕乃安

敢望先帝乎曰陛下觀臣能孰與蕭何賢上曰君似不

及也參曰陛下言之是也且高帝與蕭何定天下法令

既明今陛下垂拱參等守職遵而勿失不亦可乎惠帝

曰善君休矣參爲漢相國出入三年卒諡懿侯子宙代

侯百姓歌之曰蕭何爲法顛若畫一

徐廣曰顛音古項反一音較○索隱

曰漢書顛作講畫訓直又訓明言法明直若畫一也講亦作觀小顏云講和也畫一言其法整齊也曹參

代之守而勿失載其清淨民以寧一平陽侯宙高后時

為御史大夫孝文帝立免為侯立二十九年卒諡為靜
侯子奇代侯立七年卒諡為簡侯子時代侯時尚平陽
公主生子襄時病癘歸國立二十三年卒諡夷侯子襄
代侯襄尚衛長公主生子宗立十六年卒諡為共侯子
宗代侯征和二年中宗坐太子死國除
太史公曰曹相國參攻城野戰之功所以能多若此者
以與淮陰侯俱及信已滅而列侯成功唯獨參擅其名
參為漢相國清靜極言合道然百姓離秦之酷後參與
休息無為故天下俱稱其美矣
索隱述贊曰

曹參初起

為沛豪吏

始從中涓

先圖善置

執圭執帛

攻城略地

衍氏既誅

昆陽失位

北禽夏說

東討田既

剖符定封

功無與二

市獄勿擾

清淨不事

尚主平陽

代享其利

史記卷五十四終

史記卷五十五

留侯世家第二十五

漢太史令

龍門

司馬遷

撰

宋中郎外兵參軍河東裴駰集解

唐國子博士弘文學士河內司馬貞素撰
唐諸王侍讀率府長史張守節正義

留侯張良者其先韓人也

正義曰括地志云故留城在徐州沛縣東南五十五里今

城內有張良廟也漢書云良字子房按王符皇甫謐並以良為韓之公族姬姓也秦索賊急乃改姓名而韓先有張去疾及張譴恐非良之先代也良既歷代相韓故知其先韓人顧氏按後漢書云張良出於城父城父屬潁也
大父開地相韓昭侯宣惠王襄哀王
祖父開地名

康熙五十五年重修

父平相釐王悼惠王索隱曰韓世家及悼惠王悼惠王二十三

年平卒卒二十歲秦滅韓良年少未宦事韓韓破良家

僮三百人弟死不葬悉以家財求客刺秦王為韓報仇

以大父父五世相韓故索隱曰謂大父及父良嘗學禮

淮陽正義曰今陳州也東見倉海君如淳曰秦郡縣無倉海或

謂武帝紀云元年東夷穢君南閩等降為倉海郡今穢

穢國得之太史公修史時已降為郡自書之括地志云

穢北東至大海西得力士為鐵椎重百二十斤秦皇帝

東游良與客狙服虔曰狙伺候也狙七預反伺也索隱

少伺物必伏而候之擊秦皇帝博浪沙中正義曰音

故今云狙候是也誤中副車索隱曰漢官儀天子車

後今當官道也秦皇帝大怒大索天下求賊甚急為張良故

而從後也良乃更名姓亡匿下邳良嘗閒從容步游下邳圯上

徐廣曰圯橋也東楚謂之圯音怡○索隱曰嘗訓經也

閒閑字也按地理志下邳縣屬東海又云邳在薛後徒

此有上邳故此云下邳應劭云圯水之上也姚察見史

記本有作土旁者乃引今會稽東湖大橋名為靈圯圯

亦音夷理有一老父衣褐至良所直墮其履圯下索隱

浩然也顧謂良曰孺子下取履索隱曰

浩云直猶故也亦恐不然直言為其老彊忍

良愕然欲歐之徐廣曰一曰良怒欲罵之為其老彊忍

下取履父曰履我良業為取履因長跪履之索隱曰

謂良心先已為取父以足受笑而去良殊大驚隨目之

父去里所復還曰孺子可教矣後五日乎明與我會此

良因恠之跪曰諾五日平明良往父宅先在怒曰與老人期後何也去曰後五日早會五日雞鳴良往父又先在復怒曰後何也去曰後五日復早來五日良夜未半往有頃父亦來喜曰當如是出一編書徐廣曰編一作篇曰讀此則為王者師矣後十年興十三年孺子見我濟北穀城山下黃石即我矣正義曰括地志云穀城山一名黃郡孔文祥云黃石公須眉皆白狀杖丹黎履赤舄遂去無他言不復見日日視其書乃太公兵法也正義曰七錄云太公兵法一表三卷太公姜子牙周文王師封齊侯也良因異之常習誦讀之居下邳為任俠項伯嘗殺人從良匿後十年陳涉等起兵良亦聚少年百餘人景駒

自立為楚假王在留良欲往從之道遇沛公沛公將數

千人略地下邳西遂屬焉沛公拜良為廐將漢書音義曰官名

良數以太公兵法說沛公沛公善之常用其策良為他人言皆不省良曰沛公殆天授索隱曰殆訓近也故遂從之不

去見景駒及沛公之薛見項梁項梁立楚懷王良乃說

項梁曰君已立楚後而韓諸公子橫陽君成賢可立為

王益樹黨項梁使良求韓成立以為韓王以良為韓申

徒徐廣曰即司徒耳但語音訛轉故字亦隨改與韓王將千餘人西略韓地

得數城秦輒復取之往來為游兵潁川沛公之從雒陽

南出轅轅良引兵從沛公下韓十餘城擊破楊熊軍沛

公

公乃令韓王成留守陽翟與良俱南攻下宛西入武關

沛公欲以兵二萬人擊秦燒下軍徐廣曰燒音堯良說曰秦兵

尚彊未可輕臣聞其將屠者子賈豎易動以利願沛公

且留壁使人先行為五萬人具食徐廣曰一作百益為張旗

幟諸山上為疑兵索隱曰旗幟音其試令酈食其持重寶啗秦將

秦將果畔欲連和俱西襲咸陽沛公欲聽之良曰此獨

其將欲叛耳恐士卒不從不從必危不如因其解擊之

索隱曰謂卒將離心而懈怠沛公乃引兵擊秦軍大破之遂北至藍

田再戰秦兵竟敗遂至咸陽秦王子嬰降沛公沛公入

秦宮宮室帷帳狗馬重寶婦女以千數意欲留若之樊

噲諫沛公出舍沛公不聽徐廣曰一本噲諫曰沛公欲

沛公曰善欲有天下噲曰今臣從入秦宮所觀宮室帷

帳珠玉重寶鐘鼓之飾奇物不可勝數入其後官美人

婦女以千數此皆秦所以亡天下也願沛公急還霸上無留宮中沛公不聽良曰夫秦為無

道故沛公得至此夫為天下除殘賊宜縞素為資晉灼曰資

籍也欲沛公反秦奪秦服儉素以為籍也今始入秦即安其樂此所謂助桀

為虐且忠言逆耳利於行毒藥苦口利於病索隱曰見孔子家語

願沛公聽樊噲言沛公乃還軍霸上項羽至鴻門下欲

擊沛公項伯乃夜馳入沛公軍私見張良欲與俱去良

曰臣為韓王送沛公今事有急亡去不義乃具以語沛

公沛公大驚曰為將奈何良曰沛公誠欲倍項羽邪沛

公曰鰕生

索隱曰鰕謂小魚也音趨勾友臣瓚按楚漢春秋鰕生本姓解

教我距關無

內諸侯秦地可盡王故聽之良曰沛公自度能却項羽

乎沛公默然良又曰固不能也今為奈何良乃固要項

伯項伯見沛公沛公與飲為壽結賓婚令項伯具言沛

公不敢倍項羽所以距關者備他盜也及見項羽後解

語在項羽事中漢元年正月沛公為漢王王巴蜀漢王

賜良金百鎰珠二斗良具以獻項伯漢王亦因令良厚

遺項伯使請漢中地

如淳曰本與巴蜀故請漢中地

項王乃許之遂

得漢中地漢王之國良送至褒中

正義曰括地志云褒中在梁州褒城縣北

五十里南中山昔秦欲伐蜀路無由入乃刻石為牛通頭置金於後為言此牛能負金以遺蜀蜀侯信之乃

今五丁共引牛墾山堙谷致之成都秦遂尋道伐之因號曰石牛道蜀賦以石門在漢中之西褒中之北是又

云斜水源出褒城縣西北衙嶺山與褒水同源而流

派漢書溝洫志云褒水通汚斜水通渭皆以行船

遣良歸韓良因說漢王曰王何不燒絕所過棧道示天下

無還心以固項王意乃使良還行燒絕棧道良至韓韓

王成以良從漢王故項王不遣成之國從與俱東良說

項王曰漢王燒絕棧道無還心矣乃以齊王田榮反書

告項王項王以此無西憂漢心而發兵北擊齊項王竟

不肯遣韓王乃以為侯又殺之彭城良亡間行歸漢王

漢王亦已還定三秦矣復以良為成信侯從東擊楚至

彭城漢敗而還至下邑漢王下馬踞鞍而問曰吾欲捐

關以東等弃之誰可與共功者良進曰九江王黥布楚
 梟將與項王有郤彭越與齊王田榮反梁地此兩人可
 急使而漢王之將獨韓信可屬大事當一面即欲捐之
 捐之此三人則楚可破也漢王乃遣隨何說九江王布
 而使人連彭越及魏王豹反使韓信將兵擊之因舉燕
 代齊趙然卒破楚者此三人力也張良多病未嘗特將
 也常為畫策臣時時從漢王漢三年項羽急圍漢王榮
 陽漢王恐憂與酈食其謀燒楚權食其曰昔湯伐桀封
 其後於杞武王伐紂封其後於宋今秦失德棄義侵伐
 諸侯社稷滅六國之後使無立錐之地陛下誠能復立

六國後世畢已受印此其君臣百姓必皆戴陛下之德
 莫不鄉風慕義願為臣妾德義已行陛下南鄉稱霸楚
 必斂衽而朝漢王曰善趣刻印先生因行佩之矣食其
 未行張良從外來謁漢王方食曰子房前客有為我計
 燒楚權者具以酈生語告於子房曰何如良曰誰為陛
 下畫此計者陛下事去矣漢王曰何哉張良對曰臣請
 藉前箸為大王籌之張晏曰求借所食之箸用指畫也
或曰前湯武著明之事以籌度今
時之不曰昔者湯伐桀而封其後於杞者度能制桀之
然也死命也今陛下能制項籍之死命乎曰未能也其不可
 一也武王伐紂封其後於宋者度能得紂之頭也今陛

下能得項籍之頭乎曰未能也其不可二也武王入殷

表商容之閭索隱曰崔浩云表者標榜其里門商容紂時賢人也韓詩外傳曰商容執羽籥焉於

馬徒欲以化紂而不能遂去伏於太釋箕子之拘徐廣曰釋

行山武王欲以為三公固辭而不受一作式拘封比干之墓今陛下能封聖人之墓表賢者

之閭式智者之門乎曰未能也其不可三也發鉅橋之

粟散鹿臺之錢以賜貧窮今陛下能散府庫以賜貧窮

乎曰未能也其不可四也殷事已畢偃革為軒索隱曰蘇林云

革者兵車也軒者朱軒皮軒也謂廢兵車而用乘車也說文云軒曲周屏車

倒置干戈覆以虎皮以示天下不復用兵今陛下能偃武行文不復用

兵乎曰未能也其不可五矣休馬華山之陽示以無所

為今陛下能休馬無所用乎曰未能也其不可六矣放

牛桃林之陰索隱曰晉灼云在弘農南門鄉谷中應劭十三州記弘農有桃丘聚古桃林也山海

經云夸父之山北有桃林廣二百里

以示不復輸積今陛下能放牛不復

輸積乎曰未能也其不可七矣且天下游士離其親戚

棄墳墓去故舊從陛下游者徒欲日夜望咫尺之地今

復六國立韓魏燕趙齊楚之後天下游士各歸事其主

從其親戚及其故舊墳墓陛下與誰取天下乎其不可

八矣且夫楚唯無疆六國立者復燒而從之漢書音義曰唯當使

楚無疆疆則六國弱從之。索隱曰荀悅漢紀此事云獨可使楚無強強則六國屈燒而從之

陛下下焉得而臣之誠用客之謀陛下事去矣漢王輟食吐哺罵

曰豎儒幾敗而公事

索隱曰高祖罵豎儒生為豎儒謂此儒生豎子耳幾音祈幾殆近也而

本高祖自謂也漢書作乃公

令趣銷印漢四年韓信破齊而欲自立

為齊王漢王怒張良說漢王漢王使良授齊王信印語

在淮陰事中其秋漢王追楚至陽夏南戰不利而壁固

陵諸侯期不至良說漢王漢王用其計諸侯皆至語在

項籍事中漢六年正月封功臣良未嘗有戰鬪功高帝

曰運籌策帷帳中決勝千里外子房功也自擇齊三萬

戶良曰始臣起下邳與上會留此天以臣授陛下陛下

用臣計幸而時中臣願封留足矣不敢當三萬戶乃封

張良為留侯與蕭何等俱封六年上已封大功臣二十

餘人其餘日夜爭功不決未得行封上在雒陽南宮從

複道

如淳曰複音復上下有道故謂之複道

望見諸將往往相與坐沙中

語上曰此何語留侯曰陛下不知乎此謀反耳上曰天

下屬安定何故反乎留侯曰陛下起布衣以此屬取天

下今陛下為天子而所封皆蕭曹故人所親愛而所誅

者皆生平所仇怨今軍吏計功以天下不足徧封此屬

畏陛下不能盡封恐又見疑平生過失及誅故即相聚

謀反耳上乃憂曰為之奈何留侯曰上平生所憎羣臣

所共知誰最甚者上曰雍齒與我故

漢書音義曰亦起時有故怨

數

嘗窘辱我我欲殺之為其功多故不忍留侯曰今急先

封雍齒以示羣臣羣臣見雍齒封則人人自堅矣於是

上乃置酒封雍齒為什方侯索隱曰縣名屬廣漢○正義曰括地志云雍齒城在

益州什邡縣南四十步漢什邡縣漢初封雍齒為侯國而急趣丞相御史定功行

封羣臣罷酒皆喜曰雍齒尚為侯我屬無患矣劉敬說

高帝曰都關中上疑之左右大臣皆山東人多勸上都

雒陽雒陽東有城臯西有穀鼂倍河向伊雒其固亦足

特留侯曰雒陽雖有此固其中小不過數百里田地薄

四面受敵此非用武之國也夫關中左穀函正義曰穀

在洛州永寧縣西北二十八里函右隴蜀正義曰隴山

谷關在陝州桃林縣西南十二里南連蜀之岷

山故云右隴蜀也沃野千里南有巴蜀之饒北有胡苑之利索隱曰

曰崔浩云苑馬牧外接胡地阻三面而守獨以一面專

制諸侯諸侯安定河渭漕輓天下西給京師諸侯有變

順流而下足以委輸此所謂金城千里天府之國也索隱曰

曰此言謂者蓋是依憑古語金城言秦有四塞之國如

金城也蘇秦說秦惠王云秦地勢形便所謂天府是所

憑也劉敬說是也於是高帝即日駕西都關中索隱曰周

國遷乃為大事高祖即日西遷者留侯從入關留侯性

多病即道引不食穀漢書音義曰服辟穀之藥而靜居行氣杜門不出歲

餘上欲廢太子立戚夫人子趙王如意大臣多諫爭未

能得堅決者也呂后恐不知所為人或謂呂后曰留侯

善用計策上信用之呂后乃使建成侯呂澤劫留侯曰

君常為上謀臣今上欲易太子君安得高枕而卧乎留侯曰始上數在困急之中幸用臣策今天下安定以愛欲易太子骨肉之間難臣等百餘人何益呂澤彊要曰為我畫計留侯曰此難以口舌爭也顧上有不能致者

天下有四人

索隱曰四人四皓也謂東園公綺里季夏黃公用里先生按陳留志云園公姓唐字

宣明居園中因為號夏黃公姓崔名廣字少通齊人隱居夏里脩道故號曰夏黃公用里先生河內軹人太伯之後姓周名術字元道京師號曰霸上先生一曰角里先生孔父祕記作祿里皆玉劭據崔氏周氏世譜及陶潛四八日而為此說四人者年老矣皆以為上慢侮人故逃匿山中義不為漢臣然上高此四人今公誠能無愛金玉帛令太子為書卑辭安車因使辯士固請宜來來以

為客時時從入朝令上見之則必異而問之問之上知此四人賢則一助也於是呂后令呂澤使人奉太子書卑辭厚禮迎此四人四人至客建成侯所漢十一年黥布反上病欲使太子將往擊之四人相謂曰凡來者將以存太子太子將兵事危矣乃說建成侯曰太子將兵有功則位不益太子無功還則從此受禍矣且太子所與俱諸將皆嘗與上定天下梟將也今使太子將之此無異使羊將狼也皆不肯為盡力其無功必矣臣聞母愛者子抱索隱曰此語出韓子今戚夫人日夜侍御趙王如意常抱居前上曰終不使不肖子居愛子之上明乎其代太



子位必矣君何不急請呂后承間為上泣言繫布天下

猛將也善用兵今諸將皆陛下故等夷索隱曰如淳云等夷言等輩

乃令太子將此屬無異使羊將狼莫肯為用且使布聞

之則鼓行而西耳晉灼曰鼓行而西言無所畏也上雖病彊載輜車卧

而護之諸將不敢不盡力上雖苦為妻子自彊於是呂

澤立夜見呂后呂后承間為上泣涕而言如四人意上

曰吾惟豎子固不足遣而公自行耳於是上自將兵而

東羣臣居守皆送至灞上留侯病自彊起至曲邨索隱曰郵

音九按司馬彪漢書郡國志長安有曲邨聚今在新豐西俗謂之郵頭漢書舊儀云五里一郵郵人居間相去

二里半按郵乃今之候見上曰臣宜從病甚楚人剽疾願上無與

楚人爭鋒因說上曰今太子為將軍監關中兵上曰子

房雖病彊卧而傳太子是時叔孫通為太傅留侯行少

傅事漢十一年上從擊破布軍歸疾益甚愈欲易太子

留侯諫不聽因疾不視事叔孫太傅稱說引古今以死

爭太子上許許之猶欲易之及燕置酒太子侍四人從

太子年皆八十有餘鬚眉皓白衣冠甚偉上恠之問曰

彼何為者四人前對各言名姓曰東園公角里先生綺

里季夏黃公上乃大驚曰吾求公數歲公辟逃我今公

何自從吾兒游乎四人皆曰陛下輕士善罵臣等義不

受辱故忍而亡匿竊聞太子為人仁孝恭敬愛士天下

莫不延頸欲為太子死者故臣等來耳上曰煩公幸卒

調護太子如淳曰調護猶營護也四人為壽已畢趨去上目送之

召戚夫人指示四人者曰我欲易之彼四人輔之羽翼

已成難動矣呂后真而主矣戚夫人泣上曰為我楚舞

吾為若楚歌歌曰鴻鴈高飛一舉千里羽翮已就橫絕

四海橫絕四海當可奈何雖有矰繳韋昭曰繳弋射也其矢曰矰○索隱

一說云矰一弦可以仰射高者故云矰也尚安所施歌

數闕索隱曰音曲宄反謂曲終也說文云闕事也戚夫人噓唏流涕上起去

罷酒竟不易太子者留侯本招此四人之力也留侯從

上擊代出奇計馬邑下徐廣曰一云出奇計下馬邑及立蕭何相國

漢書音義曰何時未為相國勸高祖立之所與上從容言天下事甚眾非天

下所以存亡故不著留侯乃稱曰家世相韓及韓滅不

愛萬金之資為韓報讎彊秦天下振動今以三寸舌為

帝者師索隱曰春秋緯云舌在口長三寸象斗玉衡封萬戶位列侯此布衣

之極於良足矣願棄人間事欲從赤松子游耳索隱曰赤松子

神農時雨師能入火自燒乃學辟穀道引輕身徐廣曰

學道引欲輕舉也○索隱曰辟音賓亦反會高帝崩呂后德留侯乃彊食之

曰人生一世間如白駒過隙何至自苦如此乎留侯不

得已彊聽而食後八年卒諡為文成侯子不疑代侯徐廣

曰文成侯立十六年卒子不疑代立十年與子房始

所見下邳圯上老父與太公書者後十三年從高帝過

濟北果見穀城山下黃石取而葆祠之徐廣曰史記珍實字皆作葆

留侯死并葬黃石冢正義曰括地志云漢張良墓在徐州沛縣東六十五里與留城相近

也每上冢伏臘祠黃石留侯不疑孝文帝五年坐不敬

國除

太史公曰學者多言無鬼神然言有物索隱曰物謂精性

至如留侯所見老父予書亦可恠矣索隱曰詩傳云風后黃帝師又化為

老子以書授張良亦異說耳父後化為黃石高祖離困者數矣而留侯常有

功力焉豈可謂非天平上曰夫運籌策帷帳之中決勝

千里外吾不如子房余以為其人計魁梧奇偉應劭曰魁梧丘

慮壯大之意○索隱曰蘇林云梧音忤蕭該云公讀為吾非也小顏云言其可警悟於人至見其圖

狀貌如婦人好女蓋孔子曰以貌取人失之子羽索隱曰子羽澹臺滅明字也仲尼弟子傳云狀貌甚惡又家語云子羽有君子之容而行不稱其貌與史記文同也留

侯亦云

索隱述贊曰

留侯倜儻

志懷憤惋

五代相韓

一朝歸漢

進履宜假

運籌神算

橫陽既立

申徒作扞

灞上扶危

圍陵靜亂

人稱三傑

辯推八難

赤松願遊

白駒難絆

嗟彼雄略

曾非魁岸

史記卷五十五終

史記卷五十六

陳丞相世家第二十六

漢太史公命龍門司馬遷撰
宋中郎外兵參軍河東裴駰集解
唐國子博士弘文學士河內司馬貞索隱
唐諸王侍讀率府長史張守節正義

陳丞相平者陽武戶牖鄉人也

索隱曰徐廣云陽武屬魏而地理志屬河南郡

蓋後陽武分屬梁國耳徐又云戶牖今為東昏縣屬陳留與漢書地理志同按是秦時戶牖鄉屬陽武至漢以戶牖為東昏縣少時家貧好讀書有田三十畝獨與兄

伯居伯常耕田縱平使游學平為人長美色人或謂陳

康熙二十五年重修

史記卷五十六

世家

平曰貧何食而肥若是其嫂嫉平之不視家生產曰亦

食糠覈耳徐廣曰覈音核駟案孟康曰麥糠中不破者也晉灼曰覈音紇京師謂麴屑為覈頭有

叔如此不如無有伯聞之逐其婦而棄之及平長可娶

妻富人莫肯與者貧者平亦恥之久之戶牖富人有張

負索隱曰按負是婦人老宿之稱猶武負之類也然此張負既稱富人或恐是丈夫爾張負女孫

五嫁而夫輒死人莫敢娶平欲得之邑中有喪平貧侍

喪以先往後罷為助張負既見之喪所獨視偉平平亦

以故後去負隨平至其家家乃負郭窮巷索隱曰高誘註戰國策云

負背郭居也長者所乘安車與載以弊席為門然門外多有長者車轍索隱曰一作軌按言

張負歸謂其子仲曰吾欲以女孫

予陳平張仲曰平貧不事事一縣中盡笑其所為獨奈

何予女乎負曰人固有好美如陳平而長貧賤者乎卒

與女為平貧乃假貸幣以聘予酒肉之資以內婦負誠

其孫曰母以貧故事人不謹事兄伯如事父事嫂如母

兄伯以逐其婦此嫂疑後娶也平既娶張氏女齋用益饒游道日廣里

中社平為宰索隱曰其里名庫上里社者據蔡邕陳留東昏岸上里社碑云惟斯庫里古陽武之

分肉食甚均父老曰善陳孺子之為

宰平曰嗟乎使平得宰天下亦如是肉矣陳涉起而王

陳使周市略定魏地立魏咎為魏王與秦軍相攻於臨

濟陳平固已前謝其兄伯漢書音義曰謝語其兄往事魏從少年往事

魏王咎於臨濟魏王以為太僕說魏王不聽人或讒之

陳平亡去久之項羽略地至河上陳平往歸之從入破

秦賜平爵卿張晏曰禮秩如卿不治事項羽之東王彭城也漢王還

定三秦而東殷王反楚項羽乃以平為信武君將魏王

咎客在楚者以往擊降殷王而還項王使項悍拜平為

都尉賜金二十鎰居無何漢王攻下殷王項王怒將誅

定殷者將吏陳平懼誅乃封其金與印使使歸項王而

平身間行杖劍亡渡河舩人見其美丈夫獨行疑其亡

將要中當有金玉寶器目之欲殺平平恐乃解衣解而

佐刺舩人知其無有乃止平遂至脩武降漢徐廣曰漢二年

因魏無知求見漢王

索隱曰漢書張敞與朱邑書云陳平須魏情而後進孟康云即無知也

漢王召入是時萬石君奮為漢王中涓徐廣曰亦涓人受

平謁入見平平等七人俱進賜食王曰罷就舍矣平曰

臣為事來所言不可以過今日於是漢王與語而說之

問曰子之居楚何官曰為都尉是日乃拜平為都尉使

為參乘典護軍諸將盡謹索隱曰謹謹也音權又音喧漢書作皆怨曰大王

一日得楚之亡卒未知其高下而即與同載反使監護

軍長者漢王聞之愈益幸平遂與東伐項王至彭城為

楚所敗引而還收散兵至滎陽以平為亞將屬於韓王

信軍廣武絳侯灌嬰等咸讒陳平曰平雖美丈夫如冠

玉耳其中未必有也漢書音義曰飾冠以玉臣聞平居

家時盜其嫂事魏不容亡歸楚歸楚不中又亡歸漢今

日大王尊官之令護軍臣聞平受諸將金金多者得善

處金少者得惡處平反覆亂臣也願王察之漢王疑之

召讓魏無知無知曰臣所言者能也陛下所問者行也

今有尾生孝已之行如淳曰孝已高宗之子有孝行而無益於勝負之

數陛下何暇用之乎楚漢相距臣進奇謀之士顧其計

誠足以利國家不耳且盜嫂受金又何足疑乎漢王召

讓平曰先生事魏不中遂事楚而去今又從吾游信者

固多心乎平曰臣事魏王魏王不能用臣說故去事項

王項王不能信人其所任愛非諸項即妻之昆弟雖有

奇士不能用平乃去楚聞漢王之能用人故歸大王臣

裸身來不受金無以為資誠臣計畫有可采者願大王

用之使無可用者金具在請封輸官得請骸骨漢王乃

謝厚賜拜為護軍中尉盡護諸將諸將乃不敢復言其

後楚急攻絕漢甬道圍漢王於滎陽城久之漢王患之

請割滎陽以西以和項王不聽漢王謂陳平曰天下紛

紛何時定乎陳平曰項王為人恭敬愛人土之廉節好

禮者多歸之至於行功爵邑重之士亦以此不附今大

王慢而少禮士廉節者不來然大王能饒人以爵邑士

之頑鈍嗜利無恥者如淳曰猶無廉隅亦多歸漢誠各去其兩

短襲其兩長天下指麾則定矣然大王恣侮人不能得

廉節之士顧楚有可亂者彼項王骨鯁之臣亞父鍾離

昧龍且周殷之屬不過數人耳大王誠能出捐數萬斤

金行反間間其君臣以疑其心項王為人意忌信讒必

內相誅漢因舉兵而攻之破楚必矣漢王以為然乃出

黃金四萬斤與陳平恣所為不問其出入陳平既多以

金縱反間於楚軍宣言諸將鍾離昧等為項王將功多

矣然而終不得裂地而王欲與漢為一以滅項氏而分

王其地項羽果意不信鍾離昧等項王既疑之使使至

漢漢王為太牢具舉進見楚使即詳驚曰吾以為亞父

使乃項王使復持去更以惡草具進楚使漢書音義曰草粗也○索

隱曰戰國策云食馮讓以草貝如淳云藜草鹿惡之具也楚使歸具以報項王項王

果大疑亞父亞父欲急攻下滎陽城項王不信不肯聽

亞父聞項王疑之乃怒曰天下事大定矣君王自為之

願請骸骨歸歸未至彭城疽發背而死陳平乃夜出女

子二千人滎陽城東門楚因擊之陳平乃與漢王從城

西門夜出去遂入關收散兵復東其明年淮陰侯破齊

自立為齊王使使之漢王漢王大怒而罵陳平臨漢

王漢書音義曰臨謂臨漢王是漢王亦悟乃厚遇齊使使張子房卒

立信為齊王封平以戶牖鄉用其奇計策卒滅楚常以
護軍中尉從定燕王臧荼漢六年人有上書告楚王韓
信反高帝問諸將諸將曰亟發兵坑豎子耳高帝默然
問陳平平固辭謝曰諸將云何上具告之陳平曰人之
上書言信反有知之者乎曰未有曰信知之乎曰不知
陳平曰陛下精兵孰與楚上曰不能過平曰陛下將用
兵有能過韓信者乎上曰莫及也平曰今兵不如楚精
而將不能及而舉兵攻之是趣之戰也竊為陛下危之
上曰為之奈何平曰吉者天子巡狩會諸侯南方有雲
夢陛下第出偽游雲夢素隱曰蘇林云第且也會諸侯於陳陳楚

之西界

正義曰陳今陳州也韓信都彭城號楚王故陳州為楚西界也

信聞天子以好

出游其勢必無事而郊迎謁謁而陛下因禽之此特一
力士之事耳高帝以為然乃發使告諸侯會陳吾將南
游雲夢上因隨以行行未至陳楚王信果郊迎道中高
帝豫具武士見信至即執縛之載後車信呼曰天下已
定我固當烹高帝顧謂信曰若毋聲而反明矣武士反
接之漢書音義曰反縛兩手遂會諸侯于陳盡定楚地還至雒陽
赦信以為淮陰侯而與功臣剖符定封於是與平剖符
世世勿絕為戶牖侯平辭曰此非臣之功也上曰吾用
先生謀計戰勝剋敵非功而何平曰非魏無知臣安得

進上曰若子可謂不背本矣乃復賞魏無知其明年

護軍中尉從攻反者韓王信於代卒至平城為匈奴所

圍七日不得食高帝用陳平奇計使單于闕氏蘇林曰闕氏音

烏亥如圍以得開高帝既出其計秘世莫得聞桓譚新

漢皇后陳平為高帝解平城之圍則言其事秘世莫得而聞也

此以亡妙蹕善故藏隱不傳焉子能權知斯事否吾應

之曰此策乃反薄陋拙惡故隱而不泄高帝見圍七日

而陳平往說闕氏闕氏言于單于而出之以是知其所

用說之事矣彼陳平必言漢有好麗美女為道其容貌

天下無有今因急已馳使歸迎取欲進與單于單于見

此人必大好愛之愛之則闕氏日以遠蹕不如及其未

到令漢得脫去去亦不持女來矣闕氏婦女有妬媚之

性必增惡而事去之此說簡而要及得其用則欲使神

機故隱匿不泄也劉子駿聞吾言乃立稱善焉按漢書

音義應劭說此事大旨與桓論略同不知是應高帝南

全取桓論或別有所聞乎今觀桓論似本無說

過曲逆地理志縣屬中山也。案隱上其城望見其屋

室甚大曰壯哉縣吾行天下獨見洛陽與是耳顧問御

史曰曲逆戶口幾何對曰始秦時三萬餘戶間者兵數

起多亡匿今見五千戶於是乃詔御史更以陳平為曲

逆侯盡食之除前所食戶牖其後常以護軍中尉從攻

陳豨及黥布凡六出奇計輒益邑凡六益封奇計或頗

秘世莫能聞也高帝從破布軍還病創徐行至長安燕

王盧縮反上使樊噲以相國將兵攻之既行人有短惡

噲者高帝怒曰噲見吾病乃冀我死也用陳平謀而召

絳侯周勃受詔床下曰陳平亟馳傳載勃代噲將平至

軍中即斬噲頭二人既受詔馳傳未至軍行許之曰樊噲帝之故人也功多且又乃呂后弟呂頹之夫有親且貴帝以忿怒故欲斬之則恐後悔寧囚而致上上自誅之未至軍為壇以節召樊噲噲受詔即反接載檻車使詣長安而令絳侯勃代將將兵定燕反縣平行聞高帝崩平恐呂太后及呂頹讒怒乃馳傳先去逢使者詔平與灌嬰屯於滎陽平受詔立復馳至宮哭甚哀因奏事喪前呂太后哀之曰君勞出休矣平畏讒之就因固請得宿衛中太后乃以為郎中令曰傳教孝惠如淳曰傳相之傳也是後呂頹讒乃不得行樊噲至則赦復爵邑孝惠帝六

年相國曹參卒以安國侯王陵為右丞相徐廣曰王陵

以廐將別守豐上東因從戰不利奉孝惠魯元出淮水中故為雍侯高祖八年定食安國二十二年卒謚武侯

至玄孫除陳平為左丞相王陵者故沛人始為縣豪高

祖微時兄事陵陵少文任氣好直言及高祖起沛入至

成陽陵亦自聚黨數千人居南陽不肯從沛公及漢王

之還攻項籍陵乃以兵屬漢項羽取陵母置軍中陵使

至則東鄉坐陵母欲以招陵陵母既私送使者泣曰為

老妾語陵謹事漢王漢王長者也無以老妾故持二心

妾以死送使者遂伏劍而死項王怒烹陵母陵卒從漢

王定天下以善雍齒雍齒高帝之仇而陵本無意從高

帝以故晚封為安國侯安國侯既為右丞相二歲孝惠
帝崩高后欲立諸呂為王問王陵王陵曰不可問陳平
陳平曰可呂太后怒乃佯遷陵為帝太傅實不用陵
始謝疾免杜門竟不朝請七年而卒陵之免丞相呂太
后乃徙平為右丞相以辟陽侯審食其為左丞相左丞
相不治常給事於中孟康曰不在治處便止宮中也食其亦沛人漢王
之敗彭城西楚取太上皇呂后為質食其以舍人侍呂
后其後從破項籍為侯幸於呂太后及為相居中百官
皆因決事呂須常以前陳平為高帝謀執樊噲數讒曰
陳平為相非治事日飲醇酒戲婦女陳平聞日益甚呂

太后聞之私獨喜面質呂須於陳平曰鄙語曰兒婦人
口不可用顧君與我何如耳無畏呂須之讒也呂太后
立諸呂為王陳平偽聽之及呂太后崩平與太尉勃合
謀卒誅諸呂立孝文皇帝陳平本謀也審食其免相徐廣
曰審食其初以舍人起侍呂后孝惠帝於沛又從在楚
對二十五年文帝三年死子平代代二十二景帝三
年坐謀反國除一本云食其免後三歲為淮南王所殺
文帝令其子平嗣侯菑川王及辟陽近菑川平降之國
除孝文帝立以為太尉勃親以兵誅呂氏功多陳平欲
讓勃尊位乃病謝孝文帝初立恠平病問之平曰高祖
時勃功不如臣平及誅諸呂臣功亦不如勃願以右丞
相讓勃於是孝文帝乃以絳侯勃為右丞相位次第一

平徙爲左丞相位次第一賜平金千斤益封三千戶居
頃之孝文皇帝既益明習國家事朝而問右丞相勃曰
天下一歲決獄幾何勃謝曰不知問天下一歲錢穀出
入幾何勃又謝不知汗出沾背愧不能對於是上亦問
左丞相平平曰有主者上曰主者謂誰平曰陛下卽問
決獄責廷尉問錢穀責治粟內史上曰苟各有主者而
君所主者何事也平謝曰主臣張晏曰若今人謝曰惶
也怯見之莫不主臣孟康曰主臣主羣臣也若今言人主
也韋昭曰言主臣道不敢欺也○索隱曰蘇林與孟康
同既古人所未陛下不知其驚下使待罪宰相宰相者
上佐天子理陰陽順四時下育萬物之宜外鎮撫四夷

諸侯內親附百姓使卿大夫各得任其職焉孝文帝乃
稱善右丞相大慙出而讓陳平曰君獨不素教我對陳
平笑曰君居其位不知其任邪且陛下卽問長安中盜
賊數漢書音義曰頭數也君欲彊對邪於是絳侯自知其能不如
平遠矣居頃之絳侯謝病請免相陳平專爲一丞相孝
文帝二年丞相陳平卒諡爲獻侯子共侯買代侯二年
卒子簡侯恢代侯二十三年卒子何代侯三十三年何
坐略人妻棄市國除始陳平曰我多陰謀是道家之所
禁吾世卽廢亦已矣終不能復起以吾多陰禍也然其
後曾孫陳掌以衛氏親貴戚願得續對陳氏然終不得

徐廣曰陳掌者
衛青老于塔

太史公曰陳丞相平少時本好黃帝老子之術方其創
肉俎上之時其意固已遠矣傾側擾攘楚魏之間卒身
高帝常出奇計救紛紜之難振國家之患及呂后時事
多故矣然平竟自脫定宗廟以榮名終稱賢相豈不善
始善終哉非知謀孰能當此者乎

索隱述贊曰

曲途窮巷

門多長者

宰肉先均

佐喪後罷

魏楚更用

腹心難假

棄印封金

刺船露艤

間行歸漢

委質麾下

滎陽計全

平城圍解

推陵讓勃

哀多益寡

應變合權

克定宗社

史記卷五十六終

史記卷五十七

絳侯周勃世家第二十七

漢太史令龍門司馬遷撰
 宋中郎外兵參軍河東裴駰集解
 唐國子博士弘文學士河內司馬貞索隱
 唐諸王侍讀率府長史張守節正義

絳侯周勃者沛人也其先卷人

卷縣在滎陽。索隱曰韋昭云屬河南地理志

亦然然則後置滎陽郡而卷
馬音直玄反字林音丘權反
 索隱曰謂勃本以織蠶薄為
 北方謂薄為曲許慎註淮南
 簫給喪事索隱曰左傳歌虞挽歌類也歌者或

徒沛勃以織薄曲為生
生業也韋昭云云曲韋薄也
 常為人吹
 材官引彊漢書音義曰能

康熙三十五年重修

史記卷五十七

世家

引疆弓官如今高祖之為沛公初起勃以中涓從攻胡

挽疆司馬也陵下方與方與反與戰却適攻豐擊秦軍碭東還軍留

及蕭復攻碭破之下下邑先登賜爵五大夫攻蒙虞取

之索隱曰二縣名擊章部車騎殿服虔曰峇得殿兵也

地理志屬梁國曰在軍後曰殿孫檢曰一說上功曰最下功曰殿戰功

捷則曰多多定魏地攻爰咸東緡也索隱曰小顏音昏非

義見周禮是屬陳留者音昏屬山陽東緡音昏以往至栗取之正義

日括地志云栗屬沛郡也攻齧桑先登索隱曰徐氏云擊秦軍阿下

破之索隱曰謂追至濮陽下甄城攻都關索隱曰地理

陽定陶襲取宛月正義曰宛劬二音今曹得單父令夜

襲取臨濟攻張漢書音義曰攻壽張索隱曰地以前

至卷破之擊李由軍雍丘下攻開封先至城下為多文

日勃士卒至者多如後章部破殺項梁沛公與項羽

引兵東如碭自初起沛還王碭一歲二月索隱曰謂初

碭得一歲又楚懷王封沛公號安武侯為碭郡長沛公

拜勃為虎賁令索隱曰漢書音義令賁音肥縣名屬

以令從沛公定魏地攻東郡尉於城武破之擊王離軍

破之攻長社先登攻潁陽蘇氏絕河津正義曰即古牙

陽縣東北擊趙賁軍尸北索隱曰賁音肥人姓名也尸

之南攻南陽守齧破武關楚元關破秦軍於藍田至咸陽

滅秦項羽至以沛公為漢王漢王賜勃爵為威武侯索隱曰或封號

未必縣名也從入漢中拜為將軍還定三秦至秦賜食

邑懷德正義曰括地志云懷德故城在攻槐里好時最

如淳曰於將率之中功為最擊趙賁內史保於咸陽

最北攻漆索隱曰地理志漆縣在右扶風擊章平姚

印軍索隱曰印音五西定汧正義曰汧音反今隴州還

下郡頻陽索隱曰地理志郡屬右圍章邯廢丘地理志

槐里周曰大丘懿王都之秦而文名廢以高祖三年更名

槐里而此云槐里者槐里據後以而書之又云廢丘者以

章邯本都廢丘而破西丞正義曰括地志云西縣故城

本漢西縣地擊盜巴軍破之加淳曰音攻上邽正義曰音

破西縣丞也東守峽關轉擊項籍攻曲逆最還守敖倉追項籍籍

已死因東定楚地泗川東海郡凡得二十二縣還守維

陽櫟陽賜與頻陽侯共食鍾離索隱曰地理志縣名屬

義曰括地志云頻陽故城在陳州南頓縣以將軍從高

帝擊反者燕王臧荼破之易下索隱曰茶如字讀易水

破荼軍於易水所將卒當馳道為多索隱曰小顏以當

之下言近水也賜爵列侯剖符世世勿絕

食絳八千一百八十戶號絳侯正義曰括地志云絳邑

縣南三里或以為以將軍從高帝擊反韓王信於代降

秦之舊馳道也索隱曰蕭該云左傳以備陽子歸納諸霍人杜

下霍人索隱云晉邑也或作霍正義曰霍音瑣又音蘇

寡及頽師古云音山寡反按霍字當後地理志云後

人縣屬太原郡括地志云後人故城在代州繁峙縣界

漢後人縣也按樊噲列以前至武泉徐廣曰屬雲中

傳作霍人其音亦同正義曰括地志云

武泉故城在朔州擊胡騎破之武泉北轉攻韓信軍銅

鞮破之正義曰括地志云銅鞮故城還降大原六城正義

曰并州縣從銅鞮擊韓信胡騎晉陽下破之下晉陽後

還并降六城也

擊韓信軍於砮石破之應劭曰砮音沙或曰地名。索

按在樓煩追北八十里還攻樓煩三城因擊胡騎平城

縣西北正義曰地理志云樓煩三城在雁門郡所將卒當馳

下括地志云朔州定襄本漢平城縣也

道為多勃遷為太尉擊陳豨屠馬邑所將卒斬豨將軍

乘馬徐廣曰姓乘馬。索隱曰乘音始證反擊韓信陳豨趙利軍於

樓煩破之得豨將宋最雁門守圉索隱曰雁守之因轉

攻得雲中守遼索隱曰音速。正義曰括地志云雲中

中丞相箕肆將勳徐廣曰箕一作冀勳一作專一作轉

反漢音勳亦作索隱曰劉氏肆音如字包愷音以四

博字並誤耳定鴈門郡十七縣雲中郡十二縣因復

擊豨靈丘破之正義曰括地志云靈丘故城在斬豨得

豨丞相程縱將軍陳武都尉高肆定代郡九縣燕王盧

綰反勃以相國代樊噲將擊下薊得綰大將抵丞相偃

守陘張晏曰盧綰太尉弱御史大夫施屠渾都徐廣曰

索隱曰施名也屠滅之也地理志渾都縣屬上谷一云

御史大夫姓施屠名渾都正義曰括地志云幽州昌

平縣本漢破綰軍上薊正義曰括地志云薊州懷戎

渾都縣

復

復

復

復

復

復

復

復

復

復

復

復

復

復

復

擊破綰軍沮陽正義曰括地志云上谷郡故城在媯州懷戎縣東北百一十里燕上谷秦因不改漢為沮陽縣正義曰即馬邑長城亦名定上谷十

一縣右北平十六縣遼西遼東二十九縣漁陽二十二

縣最從高帝索隱曰最者凡也謂摠舉其從高祖攻戰克獲之數也得相國一人

丞相二人將軍二千石各三人別破軍二下城三定郡

五縣七十九得丞相大將各一人勃為人木彊敦厚高

帝以為可屬大事勃不好文學每召諸生說士東鄉坐

而責之如淳曰勃自東鄉坐責諸生說士不以賓主之禮趣為我語其椎少文

如此讚曰今直言勿稱經書也韋昭曰椎不撓曲直至如推○索隱曰大顛云俗謂愚為鈍椎音直追反

勃既定燕而歸高祖已崩矣以列侯事孝惠帝孝惠帝

六年置太尉官徐廣曰功臣表及將相表皆高后四年始置太尉○正義曰下云以勃為太尉

十歲高后崩按孝惠六年高后八年崩是十年耳而功臣表及將相表云高后四年置太尉官未詳以勃

為太尉十歲高后崩呂祿以趙王為漢上將軍呂產以

呂王為漢相國秉漢權欲危劉氏勃為太尉不得入軍

門陳平為丞相不得任事於是勃與平謀卒誅諸呂而

立孝文皇帝其語在呂后孝文事中文帝既立以勃為

右丞相賜金五十斤食邑萬戶居月餘人或說勃曰君

既誅諸呂立代王威震天下而君受厚賞處尊位以寵

久之即禍及身矣勃懼亦自危乃謝請歸相印上誅之

詔列侯就國或未能行丞相吾所重其率先之乃免相
 就國歲餘每河東守尉行縣至絳絳侯勃自畏恐誅常
 被甲令家人持兵以見之其後人有上書告勃欲反下
 廷尉廷尉下其事長安逮捕勃治之勃恐不知置辭吏
 稍侵辱之勃以千金與獄吏獄吏乃書牘背示之李青曰吏
所執簿。索隱曰簿即牘也故魏志曰以公主為證公
秦宓以簿擊頰則亦簡牘之類也主者孝文帝女也勃太子勝之尚之韋昭曰尚奉故獄
 吏教引為證勃之益封受賜盡以予薄昭及繫急薄昭
 為言薄太后太后亦以為無反事文帝朝太后以冒絮
 提文帝徐廣曰提音弟駟案應劭曰陌額絮也如淳曰
太后患怒遭得左右物提之地晉灼曰巴蜀異

物志謂頭上巾為冒絮。索隱曰服虔云綸絮也提音弟又音啼非也蕭該音底提者擲也蕭音為得患者噴也遺者逢也謂太后噴乃逢冒絮因以提帝陌音蠻陌之陌入聲方言云蒙中南楚之間云陌額也曰絳
 侯縮皇帝璽應劭曰言勃誅諸呂廢少帝手將兵於北
 軍不以此時反今居一小縣顧欲反邪文帝既見絳侯
 獄辭乃謝曰吏事方驗而出之於是使使持節赦絳侯
 復爵邑絳侯既出曰吾嘗將百萬軍然安知獄吏之貴
 乎絳侯復就國孝文帝十一年卒諡為武侯子勝之代
 侯六歲尚公主不相中如淳曰猶言不相合當也坐殺人國除絕一
 歲文帝乃擇絳侯勃子賢者河內守亞夫封為條侯徐廣曰表皆得條字駟案服虔曰條音條。正義曰措地志云故條城條名南條城在德州條縣南十二里漢縣

續絳侯後條侯亞夫自未侯為河內守時許負相之

曰應劭云負河內温人老嫗也姚氏按楚漢春秋高祖封負為鳴離亭侯是知婦人亦有封邑曰君後

三歲而侯侯八歲為將相持國秉索隱曰音柄貴重矣於人

臣無兩其後九歲而君餓死亞夫笑曰臣之兄已代父

侯矣有如卒子當代亞夫何說侯乎然既已貴如負言

又何說餓死指示我許負指其口曰有從理入口索隱曰從

音子容反從理橫理此餓死法也居三歲其兄絳侯勝之有罪孝

文帝擇絳侯子賢者皆推亞夫乃封亞夫為條侯續絳

侯後文帝之後六年匈奴大人邊乃以宗正劉禮為將

軍軍霸上正義曰廟記云霸陵即霸上按霸陵城在雍州萬年縣東北二十五里祝茲侯

徐厲為將軍軍棘門正義曰孟康云秦時宮也插地志云棘門在渭北十餘里秦王門名也

以河內守亞夫為將軍軍細柳正義曰括地志云細柳倉在雍州咸陽縣

西南二十里也以備胡上自勞軍至霸上及棘門軍直馳入將

以下騎送迎已而之細柳軍軍士吏被甲銳兵刃彀弓

弩持滿索隱曰穀者張也天子先驅至不得入先驅曰天子且

至軍門都尉曰將軍令曰軍中聞將軍令不聞天子之

詔索隱曰六韜云軍中之事不聞君命居無何上至又不得入於是上乃

使使持節詔將軍吾欲入勞軍亞夫乃傳言開壁門壁

門士吏謂從屬車騎曰將軍約軍中不得驅馳於是天

子乃按轡徐行至營將軍亞夫持兵揖曰介冑之士不

拜請以軍禮見

應劭曰禮介者不拜。索隱曰應劭云左傳晉郤克三蕭使者而退杜預注蕭

若今禮鄭衆注周禮蕭拜云但俯下手今時禮是

天子為動改容式車

前橫木若上有敬

使人稱謝皇帝敬勞將軍成禮而去

既出軍門羣臣皆驚文帝曰嗟乎此真將軍矣曩者霸

上棘門軍若兒戲耳其將固可襲而虜也至於亞夫可

得而犯邪稱善者久之月餘三軍皆罷乃拜亞夫為中

尉

正義曰漢書百官表云中尉秦官掌徼巡京師武帝太初元年更名執金吾應劭云吾者禦也掌執金吾

以禦非常顏師古云金吾鳥名主辟不祥天子出行孝職主先導以備非常故執此鳥之象因以名官也

文且崩時誠太子曰即有緩急周亞夫真可任將兵文

帝崩拜亞夫為車騎將軍孝景三年吳楚反亞夫以中

尉為太尉

正義曰漢書百官表云太尉秦官掌武元狩四年置大將軍大司馬即今十二衛大將軍

及兵部尚書也

東擊吳楚因自請上曰楚兵剽輕

索隱曰漢書亞夫至淮陽

問鄧都尉為畫此計亞夫從之今此云自請者蓋此亦聞疑而傳疑漢史得其實也剽音七妙反輕讀從去聲

難與爭鋒願以梁委之

索隱曰謂以梁委之於吳使吳兵不得過也亦有作餒音亦通

絕其糧道乃可制上許之太尉既會兵滎陽吳方攻梁

梁急請救太尉引兵東北走昌邑深壁而守梁日使使

請太尉太尉守便宜不肯往梁上書言景帝景帝使使

詔救梁太尉不奉詔堅壁不出而使輕騎兵弓高侯等

索隱曰韓頰當也。正義曰弓高滄州縣也

絕吳楚兵後食道吳兵乏糧飢

數欲挑戰終不出夜軍中驚內相攻擊擾亂至於太尉

帳下太尉終卧不起頃之復定後吳奔壁東南限

如淳曰限

隅也○索隱曰音鄒又音子侯反

太尉使備西北已而其精兵果奔西

北不得入吳兵既餓乃引而去太尉出精兵追擊大破

之吳王濞棄其軍而與壯士數千人亡走保於江南丹

徒正義曰括地志云丹徒故城在潤州丹徒縣東南十

越人殺之漢兵因乘勝遂盡虜之降其兵購吳王千金

月餘越人斬吳王頭以告凡相攻守三月而吳楚破平

正義曰越人即丹徒人越滅吳丹徒地屬楚秦滅楚後

於是諸將乃以太尉計謀為是由此梁孝王與太尉有

郤歸復置太尉官五歲遷為丞相景帝甚重之景帝廢

栗太子丞相固爭之不得景帝由此疏之而梁孝王每

朝常與太后言條侯之短竇太后曰皇后兄王信可侯

也景帝讓曰始南皮章武侯項曰南皮竇彭祖太后兄

先帝不侯及臣即位乃侯之信未得封也竇太后曰人

主各以時行耳索隱曰謂人士各當其時而行事不

竇長君在時竟不得侯死後乃封其子彭祖顧得侯索

曰許慎註淮南子云顧反也吾甚恨之帝趣侯信也景帝曰請得與

丞相議之丞相議之亞夫曰高皇帝約非劉氏不得王

非有功不得侯不如約天下共擊之今信雖皇后兄無

功侯之非約也景帝默然而止其後匈奴王徐盧等五

人降景帝欲侯之以勸後丞相亞夫曰彼背其主降陛

下陛下侯之則何以責人臣不守節者乎景帝曰丞相

議不可用乃悉封徐盧等為列侯索隱曰功臣表唯徐盧封容城侯亞

夫因謝病景帝中三年以病免相頃之景帝居禁中召

條侯賜食獨置大馘韋昭曰馘大鬻也音側吏反○索隱曰縱內音李轉反謂肉鬻也無

切肉又不置楮條侯心不平顧謂尚席取楮應劭曰尚席主席者

索隱曰顧氏按輿服雜事云尚席掌武帳帷幔也楮音筋漢書作箸箸者食所用也景帝視而笑

曰此非不足君所乎孟康曰設馘無筋者此非不足於君所手嫌恨之如淳曰非故不足君之食具也偶失之條侯免冠謝上起條侯因趨出景帝以目

送之曰此快快者非少主臣也居無何條侯子為父買

工官尚方徐廣曰一作西○索隱曰工官即尚方甲楯

五百被徐廣曰音披駟案如淳曰工官官名也張晏曰被具也五百具甲楯可以葬者取

庸苦之不予錢庸知其盜買縣官器索隱曰縣官謂天子也所以謂國家

為縣官者夏家王畿內縣即國都也王者官天下故曰縣官也怒而上變告子事連汗

條侯索隱曰汗音烏故反書既聞上上下下吏吏簿責條侯如淳曰簿問責

其情條侯不對景帝罵之曰吾不用也孟康曰不用汝對

恐獄吏畏其復召詣廷尉正義曰景帝見條侯不對簿用事不敢折辱廷尉因責罵之曰吾不任用汝也

故召請廷尉使重推劾耳餘說皆非也廷尉責曰君侯欲反邪亞夫曰臣

所買器乃葬器也何謂反邪吏曰君侯縱不反地上即

欲反地下耳吏侵之益急初吏捕條侯條侯欲自殺夫

人止之以故不得死遂入廷尉囚不食五日嘔血而死
國除絕一歲景帝乃更封絳侯勃他子堅為平曲侯續
絳侯後十九年卒諡為共侯子建德代侯十三年為太
子太傅坐酎金不善元鼎五年有罪國除徐廣曰諸列
侯者皆在元鼎五年但此辭句如有顛倒○索隱曰紀
云坐酎金不善復云元鼎五年有罪國降似重有罪故
云顛倒而漢書云為太子太傅坐酎金免官後有罪國
除其文又錯也按表坐免官至元鼎五年坐酎金又失
侯所以二史記之各有不同也條侯果餓死死後景帝乃封王信為蓋
侯

太史公曰絳侯周勃始為布衣時鄙朴人也才能不過
凡庸及從高祖定天下在將相位諸呂欲作亂勃匡國

家難復之乎正雖伊尹周公何以加哉亞夫之用任持
威重執堅刃穰苴曷有加焉足已而不學索隱曰亞夫
謀足而虛已不學古人所守節不遜索隱曰守節謂爭
以不體權變而動有違忤徐盧等不遜謂顧尚席
取箸不對制獄是也終以窮困悲夫

絳侯佐漢	質厚敦篤	始擊碭東
亦圍尸北	所攻必取	所討咸克
陳豨伏誅	臧荼破國	事居送往
推功伏德	列侯就第	太尉下獄
繼相條侯	紹封平曲	惜哉賢將

父子代辱

史記卷五十七終

史記卷五十八

梁孝王世家第二十八

漢太史令龍門司馬遷撰
宋中郎外兵參軍河東裴綱集解
唐國子博士弘文學士河內司馬貞素隱
唐諸王侍讀率府長史張守節正義

梁孝王武者孝文皇帝子也而與孝景帝同母母竇太后也孝文帝凡四男長子曰太子是為孝景帝次子武次子參次子勝正義曰漢書勝作揖又云諸姬生代孝王參梁懷王揖孝文帝即位二年以武為代王徐廣曰都中都正義曰括地志云中中都故城在汾州平通縣西十

康熙二十五年重修

史記卷五十八

世家

二以參為太原王

徐廣曰都晉陽。正義曰括地志云并州太原地名大明城。師古晉陽城

晉伯與韓魏攻趙襄子於晉陽即此城是也。

以勝為梁王

徐廣曰都睢陽。索隱曰漢書梁王

名揖蓋是矣。按景帝子中山靖王名勝是。史記誤耳。

二歲徙代王為淮陽王

徐廣曰都

陳。正義曰即古陳國城也。

以代盡與太原王號曰代王參立十七

年孝文後二年卒諡為孝王子登嗣立是為代共王立

二十九年元光二年卒子義立是為代王十九年漢廣

關以常山為限而徙代王王清河

徐廣曰都清陽。正義曰括地志云清陽

故城在貝州清縣西北八里也。

清河王徙以元鼎三年也初武為淮陽

王十年而梁王勝卒諡為梁懷王懷王最少子愛幸吳

於他子其明年徙淮陽王武為梁王梁王之初王梁孝

文帝之十二年也梁王自初王通歷已十一年矣

索隱曰謂

自文帝二年初封代後徙淮陽又徙梁通數文帝二年至十二年徙梁為十一年也。

梁王十四年

入朝十七年十八年比年入朝留其明年乃之國二十

一年入朝二十二年孝文帝崩二十四年入朝二十五

年復入朝是時上未置太子也上與梁王燕飲嘗從容

言曰千秋萬歲後傳於王王辭謝雖知非至言然心內

喜太后亦然其春吳楚齊趙七國反吳楚先擊梁棘壁

索隱曰按左氏傳宣公二年宋華元戰于大棘杜預云在襄邑東南蓋即棘壁是也。正義曰括地志云大棘

故城在宋州寧陵縣西南七十里。

殺數萬人梁孝王城守睢陽而使韓

安國張羽等為大將軍以距吳楚吳楚以梁為限不敢

過而西與太尉亞夫等相距三月吳楚破而梁所破殺

虜略與漢中分漢書音義曰梁所虜吳楚之捷略與漢等明年漢立太子其

後梁最親有功又為大國居天下膏腴地地北界泰山

西至高陽徐廣曰在陳留圍縣駟案司馬彪曰圍有高陽亭也四十餘城皆多大

縣孝王竇太后少子也愛之賞賜不可勝道於是孝王

築東苑方三百餘里正義曰括地志云苑園在宋州宋城縣東南十里葛洪西京雜記云

梁孝王苑中有落狻巖栖龍岫鴈池鶴洲鳧島諸宮觀相連奇果佳樹瑰禽異獸靡不畢備俗人言梁孝王竹

園也廣睢陽城七十里索隱曰蘇林云廣其徑也太康地也鼓偃節杵而後下和之者稱睢陽曲今踵以

為故所以樂家有睢陽曲蓋採其遺音也大治宮室

為複道自宮連屬於平臺三十餘里索隱曰如淳云在梁東北離宮所在

也按今城東二十里臨新河有舊臺得賜天子旌旗出

址不姓高係云平臺又一名竹苑從千乘萬騎索隱曰漢官儀曰天子法駕三十六乘大駕八十一乘皆備東

西馳獵擬於天子出言趣入言警索隱曰漢舊儀云皇帝輦動稱警出殿則

傳蹕止人清道言出入者互文耳人亦有蹕招延四方豪桀自山以東游說

之士莫不畢至齊人羊勝公孫詭鄒陽之屬公孫詭多

奇邪計索隱曰周禮有奇袤之人鄭玄云奇袤謂恠非常也奇音紀宜反袤音斜也初見王

賜千金官至中尉梁號之曰公孫將軍梁多作兵器弩

弓矛數十萬而府庫金錢且百巨萬珠玉寶器多於京

師二十九年十月梁孝王入朝景帝使使持節乘輿駟

馬迎梁王於闕下鄧展曰但將駟馬往贊曰稱乘輿駟馬則車馬皆往言不駕六馬耳天子

副車駕 既朝上疏因留以太后親故王入則侍景帝同

輦出則同車游獵射禽獸上林中梁之侍中郎請者著

籍引出入天子殿門與漢宦官無異正義曰若竹畧友籍謂名簿也若今

通引出十一月上廢栗太子實太后心欲以孝王為後

嗣大臣及袁盎等有所關說於景帝系隱曰袁盎云漢家法周道立于是

有所關涉之說於帝也一云關者實太后義格如厚曰

隔也引事而關隔其說不得行也亦遂不復言

以梁王為嗣事由此以事祕世莫知乃辭歸國其夏四

月上立膠東王為太子梁王怨袁盎及議臣乃與羊勝

公孫詭之屬陰使人刺殺袁盎及他議臣十餘人逐其

賊未得也於是天子意梁王逐賊果梁使之乃遣使冠

蓋相望於道覆按梁捕公孫詭羊勝公孫詭羊勝匿王

後宮使者責二千石急梁相軒丘豹及內史韓安國進

諫王正義曰姓軒丘名豹也王乃令勝詭皆自殺出之上由比怨

望於梁王梁王恐乃使韓安國因長公主謝罪太后然

後得釋上怒稍解因上書請朝既至關茅蘭說王漢書音義

曰茅蘭使乘布車張晏曰布車降服自比喪人從兩騎入匿於長公

主園漢使使迎王王已入關車騎盡居外不知王處太

后泣曰帝殺吾子景帝憂恐於是梁王伏斧質於闕下

謝罪然後太后景帝大喜相泣復如故悉召王從官入

關然景帝益疏王不同車蓋矣三十五年冬復朝上疏

欲留上弗許歸國意忽忽不樂北獵良山索隱曰虞書

註云良山際清水今壽張縣南有良山服處云是此山也有獻牛足出背上索隱曰

足當處下所以輔身也今出背一象孝王背朝以于上也此者陰也又在梁山明為梁也牛者丑之畜衝在六月北方數六故

孝王惡之六月中病熱六日卒諡曰孝

王孝王慈孝每聞太后病口不能食居不安寢常欲留

長安侍太后太后亦愛之及聞梁王薨實太后哭極哀

不食曰帝果殺吾子景帝哀懼不知所為與長公主計

之乃分梁為五國盡立孝王男五人為王女五人皆食

沐邑於是奏之太后太后乃說為帝加豐食梁孝王

長子買為梁王是為共王子明為濟川王子彭離為濟

東王子定為山陽王子不識為濟陰王孝王未死時財

以巨萬計不可勝數及死藏府餘黃金尚四十餘萬斤

他財物稱是梁共王三年景帝崩共王立七年卒子襄

立是為平王

梁平王襄索隱曰漢書作讓十四年母曰陳太后共王母曰李

太后李太后親平王之大母也而平王之后姓任曰任

王后任王后甚有寵於平王襄初孝王在時有罍樽直

千金鄭德曰上蓋刻為雲雷象○索隱曰應劭曰孝王

詩云酌彼金罍罍有畫雲雷之象以金飾之誠後世善保罍樽無得以與人任王后聞而欲得罍樽

平王太母李太后曰先王有命無得以鬯樽與人他物
雖百巨萬猶自恣也任王后絕欲得之平王襄直使人
開府取鬯樽賜任王后李太后大怒漢使者來欲自言
平王襄及任王后遮止閉門李太后與爭門措指晉灼
慎措置措以為箝○索隱曰措音進側格及漢書王陵
傳迫進前除皆作此字說文云迫箝也謂為門扉所箝
遂不得見漢使者李太后亦私與食宮長及郎中尹霸
等士通亂正義曰張先生舊本有士字先生疑是衍字
長及郎中尹霸等是士人而王與任王后以此使人風
止李太后李太后內有淫行亦已後病薨病時任后未
請病薨又不持喪元朔中睢陽人類犴反者索隱曰
犴音岸按類犴反八人有辱其父而與淮陽太守客出

姓名也反字或作友同車太守客出下車類犴反殺其仇於車上而去淮陽
太守怒以讓梁二千石二千石以下求反甚急執反親
戚反知國陰事乃上變事具告知王與大母爭樽狀時
丞相以下具知之欲以傷梁長吏其書聞天子天子下
吏驗問有之公卿請廢襄為庶人天子曰李太后有淫
行而梁王襄無良師傅故陷不義乃削梁八城梟任王
后首于市梁餘尚有十城襄立三十九年卒諡為平王
子無傷立為梁王也

濟川王明者梁孝王子以桓邑侯索隱曰地理孝景中

六年爲濟川王七歲坐射殺其中尉漢有司請誅天子弗忍誅廢明爲庶人遷房陵地入于漢爲郡

濟東王彭離者梁孝王子以孝景中六年爲濟東王二十九年彭離驕悍無人君禮昏暮私與其奴亡命少年數十人行剽殺人取財物以爲好如淳曰以是爲好喜之事所殺發

覺者百餘人國皆知之莫敢夜行所殺者子上書言漢有司請誅上不忍廢以爲庶人遷上庸地入于漢爲大河郡

山陽哀王定者梁孝王子以孝景中六年爲山陽王九年卒無子國除地入于漢爲山陽郡

濟陰哀王不識者梁孝王子以孝景中六年爲濟陰王一年卒無子國除地入于漢爲濟陰郡

太史公曰梁孝王雖以親愛之故王膏腴之地然會漢家隆盛百姓殷富故能植其財貨廣宮室車服擬於天子然亦僭矣

褚先生曰臣爲郎時聞之於宮殿中老郎吏好事者稱道之也竊以爲今梁孝王怨望欲爲不善者事從中生今太后女主也以愛少子故欲令梁王爲太子大臣不時正言其不可狀阿意治小私說意以受賞賜非忠臣也齊如魏其侯竇嬰之正言也

索隱曰竇嬰袁盎皆言如周家立子不合宜者

何以有後禍景帝與王燕見侍太后飲景帝曰千秋萬
歲之後傳王太后喜說實嬰在前據地言曰漢法之約
傳子適孫今帝何以得傳弟擅亂高帝約乎於是景帝
默然無聲太后意不說故成王與小弱弟立樹下取一
桐葉以與之曰吾用封汝周公聞之進見曰天王封弟
甚善成王曰吾直與戲耳周公曰人主無過舉不當有
戲言言之必行之於是乃封小弟以應縣索隱曰此說
與晉世家不
同事與封叔虞同彼云封唐北云封應應亦成王之弟
或別有所見故不同正義曰括地志云故應城故應
鄉也在汝州魯山縣東四十里呂氏春秋云成王戲削
桐葉爲圭以封叔虞非應侯也又汲冢古文云殷時已
有應國非成
王所造也是後成王沒齒不敢有戲言言必行之孝

經曰非法不言非道不行此聖人之法言也今主上不
宜出好言於梁王梁王上有太后之重驕蹇日久數聞
景帝好言千秋萬世之後傳王而實不行又諸侯王朝
見天子漢法凡當四見耳始到入小見到正月朔旦奉
皮薦璧王賀正月法見後三日爲王置酒賜金錢財物
後二日復入小見辭去凡留長女不過二十日小見者
燕見於禁門內飲於省中非士人所得入也今梁王西
朝因留且半歲入與人主同輦出與同車示風以大言
而實不與令出怨言謀畔逾乃隨而憂之不亦遠乎非
大賢人不知退讓今漢之儀法朝見賀正月者常一王

與四侯俱朝見十餘歲一至今梁王常比年入朝見父
留鄙語曰驕子不孝非惡言也故諸侯王當爲置良師
傳相忠言之士如汲黯韓長孺等敢直言極諫安得有
患害蓋聞梁王西入朝謁竇太后燕見與景帝俱侍坐
於太后前語言私說太后謂帝曰臣聞殷道親親周道
尊尊其義一也安車大駕用梁孝王爲寄景帝跪席舉
身曰諾罷酒出帝召袁盎諸大臣通經術者曰太后言
如是何謂也皆對曰太后意欲立梁王爲帝太子帝問
其狀袁盎等曰殷道親親者立弟周道尊尊者立子殷
道質質者法天親其所親故立弟周道文文者法地尊

者敬也敬其本始故立長子周道太子死立適孫殷道
太子死立其弟帝曰於公何如皆對曰方今漢家法周
周道不得立弟當立子故春秋所以非宋宣公宋宣公
死不立子而與弟弟受國死復反之與兄之子弟之子
爭之以爲我當代父後卽刺殺兄子以故國亂禍不絕
故春秋曰君子大居正宋之禍宣公爲之臣請見太后
白之袁盎等人見太后太后言欲立梁王梁王卽終欲
誰立太后曰吾復立帝子袁盎等以宋宣公不立正生
禍禍亂後五世不絕小不忍害大義狀報太后太后乃
解說卽使梁王歸就國而梁王聞其議出於袁盎諸大

臣所怨望使人來殺袁盎袁盎顧之曰我所謂袁將軍者也公得毋誤乎刺者曰是矣刺之置其劔劔者身視其劔新治問長安中削厲工工曰梁郎某子來治此劔索隱曰謂梁國之郎是孝王官屬某子史失其姓名也以此知而發覺之發使者捕逐之獨梁王所欲殺大臣十餘人文吏窮本之謀灰端頗見太后不食日夜泣不止景帝甚憂之問公卿大臣大臣以爲遣經術吏往治之乃可解於是遣田叔呂季主往治之此二人皆通經術知大禮來還至霸昌廐正義曰括地志云漢霸昌廐在雍州萬年縣東北云十八里取火悉燒梁之反辭但空手來對景帝景帝曰何如對曰言梁王不知也造爲

之者獨其幸臣羊勝公孫詭之屬爲之耳謹以伏誅死梁王無恙也景帝喜說曰急趨_下詢太后太后聞之立起坐食氣平復故曰不通經術知古今之大禮不可以爲三公及左右近臣少見之人如從管中闚天也

索隱述贊曰

文帝少子 徙封於梁 太后鍾愛

廣築睢陽 旌旗警蹕 勢擬天王

功扞吳楚 計醜孫羊 竇嬰正議

袁盎劫傷 漢窮梁獄 冠蓋相望

禍成驕子 致此猖狂 雖分五國

卒亦不昌

史記卷五十八終

史記卷五十九

五宗世家第二十九

漢太史令龍門司馬遷撰
宋中郎外兵參軍河東裴駙集解
唐國子博士弘文學士河內司馬貞索隱
唐諸王侍讀率府長史張守節正義

索隱曰景帝子十四人一武帝餘十三人為王
漢書謂之景十三王此名五宗者十三人為王
其母五人可
母者為宗也

孝景皇帝子凡十三人為王而母五人同母者為宗親

栗姬子曰榮德闕子

索隱曰闕音過
漢書無于字

程姬子曰餘非端

賈夫人子曰彭祖勝唐姬子曰發王夫人兒姁子曰越

寄乘舜索隱曰姁音况羽反兒姁夫人名王皇后之妹也

河間獻王德以孝景帝前二年用皇子為河間王索隱曰漢

書云大行命奏論法曰聰明睿智曰獻好儒學被服造次必於儒者山東

諸儒多從之游二十六年卒漢名臣奏杜業奏曰河間

天下雄俊衆儒皆歸之孝武帝時獻王朝被服造次必

於仁義問以五策獻王輒對無窮孝武帝絕然難之謂

獻王曰湯以七十里文王百里王其勉子共王不害立

四年卒子剛王基代立十二年卒子頃王授代立索隱曰漢

臨江哀王闕子以孝景帝前二年用皇子為臨江王三

年卒無後國除為郡

臨江閔王榮以孝景前四年為皇太子四歲廢用故太

子為臨江王四年坐侵廟墻垣為宮索隱曰服虔云宮

云牆外行馬內田音人椽反又音軟上徵榮榮行祖於

又音奴亂反墻垣牆外之短垣也

江陵北門索隱曰祖者行神行而祭之故曰祖也風俗

又崔浩云黃帝之子嫫祖好遠遊而死於道因以為行

神亦不知其何據蓋見其謂之祖因以為嫫祖非也據

帝系及本紀皆言嫫祖黃帝妃無為行神之由也又聘

禮云出祖釋較祭脯酒而已按今祭禮以較壞土為壇

於道則用黃紙或用旣已上車軸折車廢江陵父老流

狗以其無血鬣左輪涕竊言曰吾王不反矣榮至詣中尉府簿中尉郅都責

訊王王恐自殺葬藍田燕數萬銜土置冢上百姓憐之

榮最長死正義曰顏師古云榮實最長而傳居二無後

國除地入于漢為南郡

右三國本王皆栗姬之子也

魯共王餘以孝景前二年用皇子為淮陽王二年吳楚反破後以孝景前三年徙為魯王好治宮室苑囿狗馬季年好音不喜辭辯為人吃二十六年卒子光代為王初好音輿馬晚節嗇惟恐不足於財

江都易王非以孝景前二年用皇子為汝南王索隱曰諡法好

更故舊吳楚反時非年十五有材力上書願擊吳景帝

賜非將軍印擊吳吳已破二歲徙為江都王治吳故國

以軍功賜天子旌旗元光五年匈奴大人入漢為賊非上

書願擊匈奴上不許非好氣力治宮觀招四方豪桀驕

奢甚立二十六年卒子建立為王七年自殺淮南衡山

謀反時建頗聞其謀自以為國近淮南恐一日發為所

并即陰作兵器而時佩其父所賜將軍印載天子旗以

出易王死未葬建有所說易王寵美人淖姬夜使人迎

與奸服舍中索隱曰淖音女教反淖姓也齊有淖南是也漢書云建召易王所愛淖姬等十人與

姦服舍中也及淮南事發治黨與頗及江都王建建恐因使

人多持金錢事絕其獄而又信巫祝使人禱祠妄言建

又盡與其姊弟姦事既聞漢公卿請捕治建天子不忍

使大臣節訊王王服所犯遂自殺國除地入于漢為廣陵郡

膠西于王端以孝景前三年吳楚七國反破後端用皇

子為膠西王索隱曰按廣周書益法云能優其德曰于端為人賊戾又陰痿

一近婦人病之數月而有愛幸少年為郎為郎者項之

與後宮亂端禽滅之及殺其子母數犯上法漢公卿數

請誅端天子為兄弟之故不忍而端所為滋甚有司再

請削其國去大半端心愠遂為無訾省蘇林曰為無所訾錄無所省錄

正義曰顏師古云訾財也府庫壞漏盡腐財物以巨萬

計終不得收徒令吏毋得收租賦端皆去衛索隱曰謂不置宿衛

人封其宮門從一門出游數變名姓為布衣之他郡國

相二千石往者奉漢法以治端輒求其罪告之無罪者

詐藥殺之所以設詐究變索隱曰究窮也故郭璞云究謂窮盡彊足以距

諫智足以飾非相二千石從王治則漢繩以法故膠西

小國而所殺傷二千石甚眾立四十七年卒竟無男代

後國除地入于漢為膠西郡

右三國本王皆程姬之子也

趙王彭祖以孝景前二年用皇子為廣川王趙王遂反

破後彭祖王廣川四年徙為趙王十五年孝景帝崩彭

祖為人巧佞卑諂足恭而心刻深好法律持詭辯以中

人索隱曰謂詭証之辯以傷中人

彭祖多內寵姬及子孫相二千石欲

奉漢法以治則害於王家是以每相二千石至彭祖衣

早布衣自行迎除二千石舍

索隱曰謂彭祖自為二千石掃除其舍以迎之也

多設疑事以作動之得二千石失言中忌諱輒書之二

千石欲治者則以此追劫不聽乃上書告及汙以姦利

事彭祖立五十餘年相二千石無能滿二歲輒以罪去

大者死小者刑以故二千石莫敢治而趙王擅權使使

即縣為賈人權會

韋昭曰本會兩家買賣之賈也權者音角獨言權謂酷權也會音僧古外反謂為賈人專權買賣之賈僧以取利若今之知市矣韋昭則訓權為平其注解亦得

入多於國經租稅

索隱曰經常也謂王家人以多於國家常納之租稅

是趙王家多金錢然所賜姬諸子亦盡之矣彭祖取故

江都易王寵姬王建所盜與姦淖姬者為姬甚愛之彭

祖不好治宮室機祥

服虔曰求福也○索隱曰按碑蒼云機祇祥也列子云荆人鬼越人

越信機祥者也

好為吏事上書願督國中盜賊常夜從

走卒行徼

索隱曰上下孟反下工弔反徼是郊外路謂巡徼而伺察境界

邯鄲中諸使

過客以彭祖險陂莫敢留邯鄲其太子丹與其女及同

產姊姦與其客江充有郤充告丹丹以故廢趙更立太

子

中山靖王勝以孝景前三年用皇子為中山王十四年

孝景帝崩勝為人樂酒

正義曰樂五教反

好內有子枝屬百二

史記卷五十九 世家 四

十餘人常與兄趙王相非曰兄為王專代吏治事王者
當日聽音樂聲色趙王亦非之曰中山王徒日淫不佐
天子拊循百姓何以稱為藩臣立四十二年卒索隱曰漢書建元三年濟川中山王等來朝聞樂而泣天子問其故對以大臣內讒肺腑日踈其言甚雄壯詞切而理文天子加親親之好可謂漢之英藩矣子哀王昌立一年卒子昆侈代為中山王索隱曰漢書昆侈諡康王子頃王輔嗣至孫國除也

右二國本王皆賈夫人之子也

長沙定王發發之母唐姬故程姬侍者景帝召程姬程
姬有所辟不願進索隱曰姚氏按釋名云天子諸侯羣妾以次進御有月事者止不御更不賦以為脫桂裳免簪笄施玄的結羽釵的即釋名所云

也說文云姪女汗也漢律云見姪變不得侍祠姪音半而飾侍者唐兒使夜進上

醉不知以為程姬而幸之遂有身已乃覺非程姬也及
生子因命曰發以孝景前二年用皇子為長沙王以其

母微無寵故王卑濕貧國應劭曰景帝後二年諸王來朝有詔更前稱壽歌舞定王

但張袖小舉手左右笑其拙上恠問之對曰臣國小地狹不足迴旋帝以武陵零陵桂陽屬焉立二十
七年卒子康王庸立二十八年卒子鮒鮒立服虔曰鮒音拘為

長沙王

右一國本王唐姬之子也

廣川惠王越以孝景中二年用皇子為廣川王十二年

卒子齊立為王索隱曰漢書齊諡繆王諡法傷人蔽賢曰繆齊有幸臣桑距

已而有罪欲誅距距亡王因禽其宗族距怨王乃上書

告王齊與同產姦自是之後王齊數上書告言漢公卿

及幸臣所忠等索隱曰漢書告中尉秦彭祖于去嗣坐暴虐勃亂國除也。正義曰所忠姓名

膠東康王寄以孝景中二年用皇子為膠東王二十八

年卒淮南王謀反時寄微聞其事私作樓車鑊矢戰守

備候淮南之起應劭曰樓車所以窺看敵國營壘之虛實也。索隱曰左傳云登樓車以窺宋人謂者敵國營壘之虛實也。李巡注爾雅金矢以金為箭鏃鏃字林音子木友及吏治淮南之

事辭出之如淳曰窮治其辭出此事寄於上最親徐廣曰其母武帝母王夫人即王皇后之妹於上為母妹。正義曰寄從母故寄於諸兄弟最為親愛也意傷之發病而死不

敢置後於是上問寄有長子者名賢母無寵少子名慶

母愛幸寄常欲立之為不次因有過遂無言上憐之乃

以賢為膠東王奉康王嗣而封慶於故衡山地為六安

王膠東王賢立十四年卒諡為哀王子慶為王徐廣曰他本亦

作慶字惟一本作建不宜得與叔父同名相承之誤六安王慶以元狩二年用膠

東康王子為六安王

清河哀王乘以孝景中三年用皇子為清河王十二年

卒無後國除地入于漢為清河郡

常山憲王舜以孝景中五年用皇子為常山王舜最親

景帝少子驕怠多淫數犯禁上常寬釋之立三十二年

卒太子勃代立為王初憲王舜有所不愛姬生長男檢

太子勃代立為王初憲王舜有所不愛姬生長男檢

蘇林曰音奪。索隱曰鄒氏音之悅。反許慎說解字林云他活反字從木。不得幸於王王后脩生太子勃王內多所幸姬生子平

子商王王后希得幸及憲王病甚諸幸姬常侍病故王

后亦以妬媚不常侍病

索隱曰媚音亡報反鄒氏作媚。郭璞註三蒼云媚丈夫妬也又

云妬女。輒歸舍醫進藥太子勃不自嘗藥又不宿留侍

病及王薨王后太子乃至憲王雅不以長子稅為人數

及薨又不分與財物郎或說太子王后令諸子與長子

稅共分財物太子王后不聽太子代立又不收恤稅稅

怨王后太子漢使者視憲王喪稅自言憲王病時王后

太子不侍及薨六日出舍

如淳曰太子勃私姦飲酒博戲擊筑與女子載馳環城過市入牢視囚天子遣大行

騫

索隱曰按是張騫驗王后及問王勃請逮勃所與姦諸證左

王又匿之吏求捕勃大急使人致擊管掠擅出漢所疑

囚者有司請誅憲王后脩及王勃上以脩素無行使稅

陷之罪勃無良師傅不忍誅有司請廢王后脩徙王勃

以家屬處房陵上許之勃王數月遷于房陵國絕月餘

天子為最親乃詔有司曰常山憲王蚤天后妾不和適

孽誣爭陷于不義以滅國朕甚閔焉其封憲王子平三

萬戶為真定王封子商三萬戶為泗水王

正義曰泗水海州真定王平元鼎四年用常山憲王子為真定王泗水思

王商以元鼎四年用常山憲王子為泗水王十一年卒
子哀王安世立十一年卒無子於是上憐泗水王絕乃
立安世弟賀為泗水王

右四國本王皆王夫人兒姁子也其後漢益封
其支子為六安王泗水王二國凡兒姁子孫於
今為六王

太史公曰高祖時諸侯皆賦徐廣曰國所出有皆入於王也得自除內
史以下漢獨為置丞相黃金印諸侯自除御史廷尉正
博士擬於天子自吳楚反後五宗王世漢為置二千石
丞相曰相銀印諸侯獨得食租稅奪之權其後諸侯

今者或乘牛車也

索隱述贊曰

景十三子

五宗親睦

栗姬既廢

臨江折軸

闕干早薨

河間儒服

餘好宮苑

端事馳逐

江都有才

中山禔福

長沙地小

膠東造鏃

仁賢者代

悖亂者族

兒姁四王

分封為六

此卷五十九終

史記卷六

三王世家第三十

漢 太史令 龍門 司馬遷 撰
宋中郎外兵參軍河東裴駰集解
唐國子博士弘文學士河內司馬貞索隱
唐諸王侍讀率府長史張守節正義

大司馬臣去病

宗隱曰 姓霍

昧死再拜上疏皇帝陛下陛下

過聽使臣去病待罪行間宜專邊塞之思慮暴骸中野
無以報乃敢惟他議以干用事者誠見陛下憂勞天下
哀憐百姓以自忘虧膳取樂損郎員皇子賴天能勝衣

康熙二十五年重修

史記卷五十九

趨拜至今無號位師傳官陛下恭讓不恤羣臣私望不

敢越職而言臣竊不勝犬馬心昧死願陛下詔有司因

盛夏吉時定皇子位索隱曰明堂月令云季夏月唯陛下

下幸察臣去病昧死再拜以聞皇帝陛下三月乙亥御

史臣光守尚書令奏未央宮制曰下御史六年三月戊

申朔乙亥御史臣光守尚書令丞非索隱曰奏狀有尚書令官位而史闕

其名耳丞非者或尚書左右丞非其名也下御史書到言丞相臣青翟索隱曰莊

御史大夫臣湯索隱曰張湯太常臣充索隱曰趙充大行令

臣息索隱曰李息太子少傅臣安索隱曰任安也行宗正事昧死上

言大司馬去病上疏曰陛下過聽使臣去病待罪行間

臣專邊塞之思慮暴駭中野無以報乃敢惟他議以干

用事者誠見陛下憂勞天下哀憐百姓以自忘虧膳貶

樂損郎員皇子賴天能勝衣趨拜至今無號位師傳官

陛下恭讓不恤羣臣私望不敢越職而言臣竊不勝犬

馬心昧死願陛下詔有司因盛夏吉時定皇子位唯願

陛下幸察制曰下御史臣謹與中二千石二千石臣賀

等議正義曰公孫賀古者裂地立國並建諸侯以承天子所以

尊宗廟重社稷也今臣去病上疏不忘其職因以宣恩

乃道天子卑讓自貶以勞天下慮皇子未有號位臣青

翟臣湯等宜奉義遵職愚僮而不逮事方今盛夏吉時

臣青翟臣湯等昧死請立皇子臣闕徐廣曰一作闕臣巨臣胥

為諸侯王昧死請所立國名制曰蓋聞周封八百姬姓

並列或子男附庸禮支子不祭云並建諸侯所以重社

稷朕無聞焉且天非為君生民也索隱曰傳曰天生蒸民立君以司牧之是

言生人為立君長司牧之耳非天為君而生人也朕之不德海內未洽乃以未

教成者疆君連城即股肱何勸徐廣曰一作敦一作勗一作觀也。索隱曰謂

皇子等並未習教義也皇子未習教義而疆使為諸侯王君以連城之人則大臣何有所勸其更議

以列侯家之三月丙子奏未央宮丞相臣青翟御史太

夫臣湯昧死言臣謹與列侯臣嬰齊中二千石二千石

臣賀諫大夫博士臣安等議曰伏聞周封八百姬姓並

列奉承天子康叔以祖考顯而伯禽以周公立成為建

國諸侯以相傳為輔百官奉憲各遵其職而國統備矣

竊以為並建諸侯所以重社稷者四海諸侯各以其職

奉貢祭支子不得奉祭宗祖禮也封建使守藩國帝王

所以扶德施化陛下奉承天統明開聖緒尊賢顯功興

滅繼絕續蕭文終之後於鄴索隱曰蕭何謚文終也蕭何初封沛之鄴音贊後其

子續封南陽之鄴音嗟也襄厲羣臣平津侯等正義曰公孫弘所封平津鄉在滄州鹽山

南四十一里也昭六親之序明天地之屬使諸侯王封君得推

私恩分子弟戶邑錫號尊建百有餘國索隱曰武帝廣推恩之詔分王

諸侯王子弟故有百餘國而家皇子為列侯則尊卑相踰索隱曰諸侯王子

已為列侯而今又家皇子索隱曰齊王也漢列位失序不可以垂統於萬

為列侯是尊卑相踰越矣索隱曰齊王也漢世臣請立臣闕索隱曰燕王也漢臣

胥索隱曰廣為諸侯王三月丙子奏未央宮制曰康叔

親屬有十而獨尊者褒有德也周公祭天命郊故魯有

白牡騂剛之牲公羊傳曰魯祭周公牲用白牡魯公用

也也何休曰不毛賢不肖差也高山仰之景行

嚮之朕甚慕焉所以抑未成家以列侯可四月戊寅奏

未央宮丞相臣青翟御史大夫臣湯昧死言臣青翟等

與列侯吏二千石諫大夫博士臣慶等議昧死奏請立

皇子為諸侯王制曰康叔親屬有十而獨尊者褒有德

也周公祭天命郊故魯有白牡騂剛之牲羣公不毛賢

不肖差也高山仰之景行嚮之朕甚慕焉所以抑未成

家以列侯可臣青翟臣湯博士臣將行等伏聞康叔親

屬有十武王繼體周公輔成王其八人皆以祖考之尊

建為大國康叔之年幼周公在三公之位而伯禽據國

於魯蓋爵命之時未至成人康叔後扞祿父之難伯禽

殄淮夷之亂昔五帝興制周爵五等春秋三等鄭玄曰

周之文從殷之質合仲子男以皆因時而序尊卑高皇

帝撥亂世及諸正昭至德定海內封建諸侯爵位二等

索隱曰謂王皇子或在緹緜而立為諸侯王奉承天子

與列侯也

為萬世法則不可易陛下躬親仁義體行聖德表裏文

武顯慈孝之行廣賢能之路內褒有德外討強暴極臨

北海西湊月氏正義曰湊音匈奴西域舉國奉師輿械

之費不賦於民虛御府之藏以賞元戎詩云元戎十乘

章句曰元戎大戎謂兵車也開禁倉以賑貧窮減戍卒之半百蠻之

君靡不鄉風承流稱意遠方殊俗重譯而朝澤及方外

故珍獸至嘉穀興天應甚彰今諸侯支子封至諸侯王

而家皇子為列侯索隱曰謂立膠東王子慶為六安王

是也臣青翟臣湯等竊伏熟計之皆以為尊卑失序使天

下失望不可臣請立臣閔臣旦臣胥為諸侯王四月癸

壬日於戲小子閔

索隱曰此封齊王策文也按武帝策

受茲青社

張晏曰王者以五色土為太社封四方諸

侯各以其方色土與之苴以白茅歸以立

社○索隱曰蔡邕獨斷云皇子封為王受天子太社之

土若封東方諸侯則割青土藉以白茅授之以立社謂

之茅土齊在東方故云青社朕承祖考維稽古建爾國家封于東土

世為漢藩輔於戲念哉恭朕之詔惟命不于常人之好

德克明顯光義之不圖俾君子怠索隱曰謂若不圖於

附也悉爾心允執其中天祿永終厥有德不滅乃凶于而

國害于爾躬於戲保國艾民可不敬與王其戒之徐廣曰立

八年無後絕

右齊王策

維六年四月乙巳皇帝使御史大夫湯廟立子旦為燕

王曰於戲小子旦受茲玄社朕承祖考維稽古建爾國

家封于北土世為漢藩輔於戲葷粥氏虐老獸心索隱曰按

匈奴傳其國貴壯賤老壯者食肥美老者食其餘也是虐老也侵犯寇盜加以姦巧邊

萌索隱曰萌一作毗韋昭云毗民也三蒼云邊人云毗也於戲朕命將率徂征厥

罪萬夫長千夫長三十有二君皆來張晏曰時所獲三十二帥也降

旗奔師如淳曰偃其旗鼓而來降○索隱曰漢書君作師期作旗而服虔云以三十二軍中之將下旗

去之也如淳云即昆邪王偃旗鼓降時也若如此意則三十三軍非軍將蓋戎狄酋帥有三十二君來降也

葷粥徙域張晏曰匈奴徙東也北州以綏悉爾心毋作怨毋俾德

徐廣曰俾一作非○索隱曰蘇林云非廢也本亦作俾俾敗也孔文祥云非薄也漢書作業○正義曰俾音符

味毋乃廢備索隱曰褚先生解云官無乏武備常備匈奴也非教士不得從徵

於戲保國艾民可不敬與王其戒之徐廣曰立三十二年自發國除

右燕王策

維六年四月乙巳皇帝使御史大夫湯廟立子胥為廣

陵王曰於戲小子胥受茲赤社朕承祖考維稽古建爾

國家封于南土世為漢藩輔古人有言曰大江之南五

湖之間索隱曰五湖者具區洮滬彭蠡青草洞庭或曰太湖五百里故曰五湖也其人輕心

揚州保疆徐廣曰一作疆三代要服不及以政於戲

悉爾心戰戰兢兢乃惠乃順毋伺好佚毋適宵人應劭曰無

好逸游之乎維法維則書云臣不作威不作福靡有後

羞於戲保國艾民可不敬與王其戒之

徐廣曰立六十四年自殺

右廣陵王策

太史公曰古人有言曰愛之欲其富親之欲其貴故王者疆土建國封立子弟所以褒親親序骨肉尊先祖貴支體廣同姓於天下也是以形執疆而王室安自古至今所由來久矣非有異也故弗論著也燕齊之事無足采者然封立三王天子恭讓羣臣守義文辭爛然甚可觀也是以附之世家

索隱述贊曰

三王封世

舊史爛然

褚氏後補

陽有武庫敖倉天下衝阨漢國之大都也先帝以來無子王於雒陽者去雒陽飢盡可王夫人不應武帝曰關東之國無大於齊者齊東負海而城郭大古時獨臨菑中十萬戶天下膏腴地莫盛於齊者矣王夫人以手擊頭謝曰幸甚王夫人死而帝痛之使使者拜之曰皇帝謹使使太中大夫明奉璧一賜夫人為齊王太后子閔王齊年少無有子立不幸早死國絕為郡天下稱齊不宜王云所謂受此土者諸侯王始封者必受土於天子之社歸立之以為國社以歲時祠之春秋大傳曰天子之國有泰社東方青南方赤西方白北方黑上方黃故

將封於東方者取青土封於南方者取赤土封於西方者取白土封於北方者取黑土封於上方者取黃土各取其色物裹以白茅封以爲社此始受封於天子者也此之爲主土主土者立社而奉之也朕承祖考祖者先也考者父也維稽古維者度也念也稽者當也當順古之道也齊地多變詐不習於禮義故戒之曰恭朕之詔唯命不可爲常人之好德能明顯光不圖於義使君子怠慢悉若心信執其中天祿長終有過不善乃凶于而國而害于若身齊王之國左右維持以禮義不幸中年早夭然全身無過如其策意傳曰青采出於藍而質青

於藍者教使然也遠哉賢主昭然獨見誠齊王以慎內誠燕王以無作怨無悞德誠廣陵王以慎外無作威與福夫廣陵在吳越之地其民精而輕故誠之曰江湖之間其人輕心揚州保疆三代之時迫要使從中國俗服不大及以政教以意御之而已無伺奸佚無適宵人維法是則無長好佚樂馳騁弋獵淫康而近小人常念法度則無羞辱矣三江五湖有魚鹽之利銅山之富天下所仰故誠之曰臣不作福者勿使行財幣厚賞賜以立聲譽爲四方所歸也又曰臣不作威者勿使因輕以倍義也會孝武帝崩孝昭帝初立先朝廣陵王胥厚賞賜

金錢財幣直三千餘萬益地百里邑萬戶會昭帝崩宣

帝初立緣恩行義以本始元年中裂漢地盡以封廣陵

王胥四子一子為朝陽侯正義曰括地志云朝陽故城在鄧州穰縣南八十里應劭

云在朝水一子為平曲侯正義曰地理志云平曲縣屬東海郡又云在瀛州文安縣

北七一子為南利侯正義曰括地志云南利故城在豫州上蔡縣東八十五里最愛

少子弘立以為高密王正義曰括地志云高密故城在密州高密縣西南四十里其

後胥果作威福通楚王使者楚王宣言曰我先元王高

帝少弟也封三十二城今地邑益少我欲與廣陵王共

發兵云廣陵王為上我復王楚三十二城如元王時事

發覺公卿有司請行罰誅天子以骨肉之故不忍致法

於胥下詔書無治廣陵王獨誅首惡楚王傳曰蓬生麻

中不扶自直白沙在泥中與之皆黑者土地教化使之

然也其後胥復祝詛謀反自殺國除燕土境堠北迫匈

奴其人民勇而少慮故誡之曰葷粥氏無有孝行而禽

獸心以竊盜侵犯邊民朕詔將軍往征其罪萬夫長千

夫長三十有二君皆來降旗奔師葷粥徙域遠處北州

以安矣悉若心無作怨者勿使從俗以怨望也無儼德

者勿使上背德也無廢備者無乏武備常備匈奴也非

教士不得從徵者言非習禮義不得在於劍也會武帝

年老長而太子不幸薨未有所立而且使來上言請身

入宿衛於長安孝武見其書擊地怒曰生子當置之齊魯禮義之鄉乃置之燕趙果有爭心不讓之端見矣於是使使即斬其使者於闕下會武帝崩昭帝初立且果作怨而望大臣自以長子當立與齊王子劉澤等謀為叛逾出言曰我安得弟在者案隱曰案昭帝鉤弋夫人所生武帝崩時年纔七八歲耳胥且早封在外實合有疑然武帝春秋高惑於內寵誅太子而立童孺能不使胥且疑怨亦由權臣輔政貪立幼主之利遂得鉤弋子當陽斯實父德不弘遂令子道不順然大各吠非其主太中宗正人臣之職亦當使燕今立者乃大將軍子也欲發兵事發覺當誅昭帝緣恩寬忍抑案不揚公卿使大臣請遣宗正與太中大夫公戶滿意御史二人偕往使燕風喻之案隱曰宗正官名必以宗

室有德者為之不知時何人公戶姓滿意名為太中大夫是使二人又有侍御史二人皆往使治廣陵也到燕各異日更見責王宗正者主宗室諸劉屬籍先見王為列陳道昭帝實武帝子狀侍御史乃復見王責之以正法問王欲發兵罪名明白當坐之漢家有正法王犯織芥小罪過即行法直斷耳安能寬王驚動以文法王意益下心恐公戶滿意習於經術最後見王稱引古今通義國家大禮文章爾雅案隱曰爾雅近也雅正也謂王曰古者天子必內有異姓大夫所以正骨肉也外有同姓大夫所以正異姓也索隱曰內云有異姓大夫以正骨肉蓋錯也內合言同姓宗正是也外合言異姓太中大夫周公輔成王誅其兩弟故治武帝在時尚能寬是也


王今昭帝始立年幼富於春秋未臨政委任大臣古者
誅罰不阿親戚故天下治方今大臣輔政奉法直行無
敢所阿恐不能寬王王可自謹無自令身死國滅為天
下笑於是燕王旦乃恐懼服罪叩頭謝過大臣欲和合
骨肉難傷之以法其後旦復與左將軍上官桀等謀反
宣言曰我次太子太子不在我當立大臣共抑我云云
大將軍光輔政與公卿大臣議曰燕王旦不改過悔正
行惡不變於是脩法直斷行罰誅旦自殺國除如其策
指有司請誅旦妻子孝昭以骨肉之親不忍致法寬赦
旦妻子免為庶人傳曰蘭根與白芷漸之滌中徐廣曰滌者漸

米汁也音先糾反○索隱曰白芷香草也音止又音昌
改反漸漬也滌如禮滌澣之滌謂洗也音思酒反○正
義曰言雖香草以米汁漬之無復香氣君子不欲附近
庶人不服者為漸漬然也以旦謀叛君子庶人皆不附
近君子不近庶人不服者所以漸然也宣帝初立推恩

宣德以本始元年中盡復封燕王旦兩子一子為安定

侯正義曰漢表
在鉅鹿郡立燕故太子建為廣陽王以奉燕王祭

祀正義曰括地志云廣陽故城今
在幽州良鄉縣東北二十七里



史記卷六十一 世家 三十一

史記卷六十終

Vertical columns of text in a traditional Chinese woodblock print style, arranged in a grid. The text is mostly illegible due to fading and bleed-through from the reverse side of the page.

